


Muhamed Hadžijamaković



ILHAMIJA

život i djelo



BIBLIOTEKA *Kulturna baština*

Ilhamija - život i djelo
Muhamed Hadžijamaković

• *Redaktori*
Lamija Hadžiosmanović
Minka Memija
Salih Trako

Prepjev poezije sa turskog i arapskog jezika
Muhamed Dželilović

Korektor
Aida Krzić

Urednik
Nusret Isanović

CIP - Katalogizacija u publikaciji
Narodna i univerzitetska biblioteka Bosne i Hercegovine
Sarajevo

HADŽIJAMAKOVIĆ, Muhamed

Ilhamija : život i djelo / Muhamed Hadžijamaković : [prepjev poezije sa turskog i arapskog jezika Muhamed Dželilović]. - Sarajevo : Mešihat Islamske zajednice Bosne i Hercegovine, El-Kalem, 1991. - 189 str. : ilustr. : 21 cm. - (Kulturna baština)

Rječnik: str. 169-188. - Bibliografija: str. 161-167
ISBN 86-7765-008-3

1. Ilhamija
2391302

MUHAMED HADŽIJAMAKOVIĆ

ILHAMIJA

život i djelo

ABDULVEHHAB IBN ABDULVEHHAB
ŽEPČEVI


El-Rasjem


Sarajevo 1991.

THE
JOURNAL
OF
THE
AMERICAN
MEDICAL
ASSOCIATION
PUBLISHED WEEKLY
CHICAGO, ILL.
1914

UZ OVO IZDANJE

Abdulvehhab Ilhamija (1773-1821) pripada rijetkim stvaraocima koji su pisali na orijentalnim i na narodnom jeziku. Njegovo djelo, s obzirom na jezike na kojima je pisano, može se dosta precizno razgraničiti: ono na turskom i arapskom jeziku pisano je uglavnom po nadahnuću i s vrlo izraženom misao-nošću, kod onog na narodnom jeziku vrlo je vidljiva tendencija. Naime, Ilhamija je tipični narodni prosvjetitelj, on i piše, dijelom, na narodnom jeziku da bi ga razumjeli najširi slojevi koji nisu znali orijentalne jezike. Tom svojom poezijom on poučava, opominje, ali i kritikuje pojave u savremenom životu i nosioce vlasti. Zato se iz njegovih pjesama mogu iščitavati društvene prilike vremena u kome je živio. Njegova kritička riječ protiv nepravde, bezakonja, korupcije, neznanja, vjerovatno mu je i presudila: umro je nasilnom smrću, po legendi - zadavljen u travničkoj tvrđavi.

Ilhamija je muslimanski pjesnik s najtragičnijom sudbinom i po tome se pridružuje plejadi svjetskih mislilaca i stvaralaca koji su stradali zbog otvorene kritičke riječi.



Turbe u Potur-mahali u Travniku u kom je mezar Šejh Abdulvehhaba Ilhamije

Njegov tragičan kraj pojačao je ionako značajnu popularnost njegove poezije na narodnom jeziku, i njegove ličnosti za koju se vezuju mnoge legende. On je i do danas ostao u sjećanju naroda kao bogougodnik. Paradoksalno je da je upravo popularnost segmenta Ilhamijinog stvaralaštva na narodnom jeziku bacila u sjeću Ilhamiju pjesnika na turskom i arapskom jeziku. Zapravo, manje je poznato,

manje isticano da je Ilhamija mnogo značajniji pjesnik na ova dva jezika, a da mu je djelo na narodnom jeziku slabiji dio opusa.

Njegov *Divan* na turskom jeziku sa šezdeset pjesama čini uglavnom mistična poezija. Ilhamija se inače kreće u okvirima tradicionalne kozmogonije razvijajući, na primjer, misli o mikrokozmu i makrokozmu, ili o zemlji, vodi, vatri i zraku, koji su i za Ilhamiju *materia prima*.

Ilhamija se u ovoj poeziji potvrđuje kao derviš solidne naobrazbe, posebno u orijentalnim jezicima. Znao je perzijski i mnoge pojmove iz ovog jezika i kulture uključivao u svoje stihove.

Mada je Ilhamija pretežno zaokupljen apstraktnim idejama i pojmovima, u njegovoj poeziji, kao i u proznom djelu na turskom jeziku *Tuhfetu-l-musallin ve zubdetu-l-hašiin*, osjeća se tlo i dah Bosne. Tako, u jednoj pjesmi koja tematizira pluralizam i složenost svijeta, kaže:

Netko je Arap, netko stranac...,

Netko je Turčin, netko Bosanac,

vidi, dakle, etničku različitost i posebnost bosanskohercegovačkih Muslimana.

Iako život i pojave u njemu posmatra kroz vizuru religijskog, Ilhamija nije isključiv. Dapače, on je dosta širok i u odnosu prema drugim religijama, čak se zalaže za integritet nemuslimana mono-teista.

Ilhamijina popularnost u puku preni-jela se i na pojačan interes istraživača. Prvi je s Ilhamijom upoznao širu javnost Mehmed-beg Kapetanović Ljubušak u drugom svesku *Istočnog blaga* (Sarajevo, 1897) objavivši pet Ilhamijinih pjesama i jednu kasidu pod drugim imenom. Donoseći nekolicinu alhamijado pjesnika Kapetanović je istakao ulogu derviša u širenju ilahija na narodnom jeziku pa je preporučio da bi neko „to blago sabrao i na svjetlo izdao“. Nešto više o Ilhamiji rekli su Vladimir Ćorović i šejh Sejfudin Kemura u djelu *Serbocroatische Dichtungen bosnischer Moslims* (Sarajevo, 1912). Neposredno pred drugi svjetski rat o Ilhamiji je nove podatke iznio Mehmed Handžić.

Veće zanimanje za Ilhamiju javlja se u novije vrijeme. Posebno je značajan prilog Kasima Dobrača koji je pronašao njegovo prozno djelo na turskom jeziku

Tuhfetu-l-musallin ve zubdetu-l-hašiiin, i objavio poduži tekst u *Analima GHB* 1974. godine. Šteta je što ovaj Ilhamijin rad nije integralno preveden, jer se i iz fragmenata vidi da to nije samo vjerski priručnik nego i refleksija o životu i njegovom smislu.

Muhamed Ždralović je, takođe u *Analima GHB* (1978), objavio Ilhamijinu idžazetnamu, koja nam pomaže u rasvjetljavanju nekih elemenata iz pjesnikovog školovanja.

Ilhamijina poezija na narodnom jeziku objavljivana je u mnogim radovima a najpotpunije je zastupljena u *Hrestomati-ji bosanske alhamijado književnosti* Abdurahmana Nametka (Sarajevo, 1981). Mnogi književni kritičari i historičari književnosti citirali su i komentirali Ilhamijine pjesme, a najviše *Čudan zeman nastade* kao najkarakterističniju njegovu buntovnu pjesmu. Ilhamijin život i djelo inspirirali su našeg književnika Rešada Kadića da napiše kraći roman *Ilhamijin put u smrt*, koji je doživio dva izdanja.

Napor Muhameda Hadžijamakovića, čiji su rezultati pred nama, dalji je prim-

jer privlačnosti Ilhamijina djela. Ova knjiga značajna je dvojako: 1) prvi put prezentira se kompletna poezija na narodnom jeziku, što je već po tome preporučuje i 2) također prvi put se predstavljaju Ilhamijine pjesme na turskom jeziku. Tek iz ovako komponiranog djela može se sustavnije i meritorno suditi o vrijednosti Ilhamijine poezije. Ona sada čeka svoga kritičara.

[illegible]

ABDULVEHHAB IBN ABDULVEHHAB ŽEPČEVI ILHA- MI

O životu Abdulvehhab Ilhamije, jednog od najplodnijih muslimanskih pjesnika na razmeđu XVIII i XIX vijeka, više nam govori njegovo djelo nego oskudni biografski podaci. Pa i ono samo pruža neke elementarne podatke, a mnogo toga ostaje u sferi pretpostavke.

Rođen je u Žepču 1187/1873. kako sam navodi u svom proznom djelu na turskom jeziku *Tuhfetu-l-musallin ve zubdetu-l-hašiin* (Dar i poslastica onima koji se klanjaju Bogu). Tu doslovno kaže: „... viladetim bin juz seksan jedi“ (datum moga rođenja je 1187). Navodi i svoje puno ime: Abdulvehhab b. Abdulvehhab, što znači da mu se i otac zvao Abdulvehhab. Tarih na njegovom nišanu ispisan je sa: Sejjid el-hadž Vehhab, a na prepisu njegova divana stoji: Šejh el-hadž es-sejjid Abdulvehhab Ilhami-baba

Bosnevi. Nazivi sejjid i baba pridodati su mu kao počasni, a označavali su učena i štovana čovjeka.

U djetinjstvu je ostao bez roditelja, što opet doznajemo iz njegovog stiha:

*Majke nemam a pедера (oca) ne
pamtim.*

Podaci o Ilhamijinom školovanju su dosta šturi. Profesor Kasim Dobrača je otkrio gore pomenuti priručnik, a Muhamed Ždralović idžazetnamu (diplomu) iz kojih je vidljivo da se školovao u Žepču, Tešnju i Fojnici. Na početku tog djela navodi da mu je profesor bio El-hadž Kerimi (Hadžicerimović ili Hadžicerimić). O njemu, međutim, nemamo nikakvih podataka.

U Žepču su u XVIII stoljeću, uz Ferhadiju džamiju, djelovali mekteb i medresa, radili su sve do pred drugi svjetski rat. Na medresi je bio profesor Hadži Abdullah ef. Karahodža, koji je 1740/41. spjevao na narodnom jeziku pjesmu *Bošnjakuša*. Znamo još da je umro 1766. godine. U poslovima ga je zamijenio sin mu Hadži Ahmed ef. Karahodža, koji je i njegovu pjesmu proširio sa još 17 strofa.

I otac i sin bili su veoma štovani u

svom kraju, a njihova pjesma popularna. Kako je Ahmed ef. Karahodža bio jedini poznati teolog u vrijeme kad je Ilhamija dorastao za školovanje, sasvim je moguće da mu je on bio profesor.

U tešanjskoj medresi profesor mu je bio Abdullah Čankari el-Ensari. Kod njega je Ilhamija slušao fikh, hadis i tefsir, što se vidi iz diplome koju mu je potpisao ovaj profesor.¹

Što se tiče njegovog obrazovanja u te-savvufu, dugo je bilo sporno da li mu je šejh mogao biti Abdurahman Sirrija. Naime, donedavno se operiralo pogrešnim datumom rođenja ovog šejha, sa 1785. godinom, što je, razumljivo, isključivalo mogućnost da mu je mogao biti učitelj neko 12 godina mlađi od njega. Međutim, iz kronograma što ga je nakon Sirrijine smrti spjevao njegov sin Šakir, vidi se da je rođen 1775. godine.² I nepoznati pjesnik napisao je na perzijskom jeziku tarih koji glasi:

1) Rukopis se nalazi u Orijentalnoj zbirci JAZU u Zagrebu i zaveden je pod brojem 720 7-a.

2) Salih Trako: „Kronogrami sarajevskog muftije Muhamed Šakir efendija Muidovića“, *Anali GHB*, knj. I, Sarajevo, 1972, str. 63-64.

*Kada je doživio 74 godine, čuo je
poziv
i odazvao se Božijoj naredbi. Čuj ti
novost
koja se dogodila u noći rebiulahira
u oči nedjelje, u trećem satu.
Čuj puni tarih o tome: 1263.*

Dakle, što se tiče godina, Sirrija je mogao podučavati Ilhamiju u tesavvufu. Postoji pretpostavka da je to mogao biti i čuveni šejh Husein-baba Zukić, i on i Sirrija djelovali su u XVIII stoljeću u Fojnici. Ali, pošto je Husein-baba umro 1800, vjerovatnije je da je Ilhamiju u tesavvuf uvodio Sirrija.

Očito je da je Ilhamija bio veoma ambiciozan i da je i sam mnogo radio na svom obrazovanju, posebno u oblasti tesavvufa. I svojim stihovima upućuje nas na takav zaključak:

*Nisam čitao pjesme i stihove, nisam
učio metriku,
počeo sam da nižem ove melodije, to
je posebna pažnja i dar od Boga.
Melodiju i metar postigao sam
govorom,
a mjerilo uz Božiju pomoć.*

*Djeca smo Uvejsa i Hidra,
od Milostivog je došla uputa.
Talkin sam uzeo od Hidra, prije nego
sam stigao do Bejtullaha.
Uputu sam našao dobrotom moga
šejha,
dopro sam do njegove pomoći.*

Ovo su stihovi iz pjesme s naslovom:
Ovaj rob je Njegovo stvorenje. Ilhamija
je inače smatrao da je njegov pjesnički
dar od Boga, otud i naziv ilhami - nadah-
nuti. Ilhamija veoma cijeni svoje profe-
sore i priznaje im zaslugu za obrazovanje
koje je stekao:

*Ulemi priznajem prednost i čast
Jer od njih potiče moje znanje,
A učiteljima tesavvufa pripada svako
dobro za stupanje u tarikatu.*

Sličnu misao varira i u ovim stihovi-
ma:

*Lijepo se odnosi prema učenicima
ljudima,
a budi pokoran šejhovima.*

Ilhamijino djelo govori nam mnogo i
o vremenu u kome je nastalo. A to je raz-
međe XVIII i XIX stoljeća, vrijeme kada
je Osmansko Carstvo u dubokoj krizi. U
Evropi se zbivaju značajne političke, kul-

turne i prosvjetne promjene, a Turska pokušava da se približi tim novinama uvođenjem reformi, administrativnih i vojnih. Te reforme negativno se odražavaju na Bosnu, koja je u ovom vremenu veoma značajna granična zona Carstva prema Zapadu. Bosna toga vremena ekonomski je veoma islabljena čestim ratovima, a i epidemijama sa značajnim žrtvama. U političkom smislu stanje je takođe loše. Plemstvo i janičari opiru se reformama jer njima gube privilegije. Otpori centralnoj vlasti su veoma izraženi čak i direktnim pobunama. U situaciji kad je uprava iz Istanbula oslabljena, i kad joj se vlastodržci opiru, nastaje stanje anarhije, bezvlašća, nezakonitosti, korupcije, svih zala koja dolaze u ovakvim kriznim vremenima. U takvoj situaciji najviše ispaštaju seljaci bezemljaši i sirotinja, koja čini pretežan dio stanovništva. Školstvo i obrazovanje su na niskom stupnju, a takvo stanje upravo odgovara vladajućem sloju.

Pa i u takvim vremenima javljaju se hrabri i pametni koji svojom riječju pokušavaju da izmijene stanje. Jedan od takvih je i Ilhamija. On svojom pjes-

ničkom riječju, naročito na narodnom jeziku, razotkriva svu bijedu svoga vremena, iznosi nepravde i zahtijeva borbu protiv nasilja. Veoma je zanimljivo da osoba koja pripada ulemi vrlo oštro kritikuje vjerske velikodostojnike kojima spočitava fanatizam i konzervativizam. Jednom riječju, ustaje protiv neznanja i nasilja kod duhovnih i svjetovnih predstavnika vlasti:

*O pametni! Ne čudi se ovom nasilju!
Gdje je pravednost? Gdje su vrline u
ovom času?*

*Ćud ovog vremena nadvladavaju zla,
Samo jedan tren oka stane, vrijeme
ode,*

*Znaci da je kraj svijeta.
Uzrok da postane mjesto poteškoća i
brige*

*Ne žalosti se! Ima i drugih
manjkavosti*

*Hajde! Na kraju će i ovaj svijet
dotrajati.*

U istoj pjesmi pjesnik dalje kaže:
*Ono što rade nasilnici sve će propasti
Ne gubi vremena sa ovim ljudima.
Stupi iskreno uz Ilhamiju. Ne kvari!
ili*

*Ove spletke i nesreće dovode do
uništavanja*

Zbog suprotstavljanja propisima.

*Koliko savršenih u ovim spletkama
bude osuđeno radi potvore.*

Ilhamija je duboko osjećao patnje svojih sunarodnika i bunio se protiv zla, a sam je bio siromašan ali ne i nezadovoljan svojim stanjem:

Majke nemam a pедера ne pamtim

Što sam fakir i sirota ne velim.

Sličnu misao varira u još jednoj pjesmi

Našao je svoj konak u izreci:

Siromaštvo je moj ponos.

Po svom načinu života, po pravičnosti i postojanosti u odbrani dobra, Ilhamija je stekao mnoge neprijatelje kojima je smetao njegov veliki autoritet koji je uživao u narodu. Zato su nastojali svim sredstvima da ga onemoguće u njegovom djelovanju i propovijedanju. A on je uporno istrajavao na svom putu. Savjetovao je da se traži znanje, da se radom i trudom stiče, tražio red i disciplinu. Kako je i sam bio asketa, znao je savjetovati krajnju strpljivost i zadovoljstvo sa ma-

lim:

*Uči i ispravno shvataj!
Što manje jedi i pij, a pred zoru moli,
Budi zadovoljan bilo malo ili mnogo.
Zadovolji roditelje.
Stalno uči, studiraj tesavvuf,
Kad dopreš do istine, opet traži
istinsko znanje.*

Ilhamiji kao da nikad nije dovoljno truda oko sticanja znanja, i to se u njegovom djelu često provlači kao savjet:

*Ustraj u sticanju znanja
Nek ti svaka stvar bude jasna.
Svi sitni prohtjevi nek su ti vidljivi
Znaj da je najplemenitiji čovjek
Udalji li se od svojih grijeha.
Budi savjestan, čuvaj se zaborava
Ako budeš pametan nećeš biti dijete.*

U svom bogatom životnom iskustvu susretao je različite ljude, pa je u jednoj pokušao da napravi malu karakterologiju:

*Neko je neuk, neko učen
Neko šaren, neko posti
Neko na sebi nema košulje
Na nekom svila i samur ćurak.
Neko nosi lahur i serah,
Neko je go, ne želi ništa*

*Neko stalno traži ugledne,
Neko stalno traži ljude.
Neko stalno želi slavu
Neko skromno ide.
Neko kaže ja sam taj i taj
Neko se čuva i kaže nisam ništa.
Neko stalno učeno govori,
Neko ne govori i šuti.
Neki se smiju, neki plaču,
Neki su strpljivi, neki se žale.
Neki trpe siromaštvo i poteškoće,
Neki uživaju u dobru i bogatstvu.
Neki stalno pridaju važnost poslu
Neki se odriču i traže spokojstvo.*

U Travniku je, pred kraj Ilhamijinog života, namjesnik bio Dželaluddin-paša. U početku je pjesniku ovaj paša izgledao pravedan i dobar, pa ga je u jednoj pjesmi i hvalio:

*Dželal paša je čisti tvoj rob,
nastoji da bude pravedan.
Gazijo! Hudoj Bosni ti si sada dat
Džellalova sablja Tvoj je dar.
Ti si taj koji pruža pomoć.*

Ubrzo je, međutim, nestalo iluzija o pravičnosti ovog namjesnika i Ilhamija oštro i otvoreno ustaje protiv njegovog načina vladanja. Poltroni, koje svaka vlast ima uz svoje skute, dojavljivali su

paši šta Ilhamija govori, pa je ovaj namjesnik pozvao pjesnika u svoj konak. Ilhamija se iz Žepča u Travnik uputio pješice i posteći, a predosjećajući loš završetak na odlasku se oprostio od ukućana i prijatelja.

Ostaje u sferi pretpostavke šta se zbivalo u Travniku: da li je Dželal-paša lično primio Ilhamiju, da li je razlog ovog poziva, i kasnijeg stradanja, bila njegova oštra osuda vladajućeg sistema, ne zna se. Legenda, koja, naravno, ostavlja i dalje mogućnost za korekciju, kaže da je Ilhamiji bilo ponuđeno da se odrekne svojih pjesama a kad to nije htio, da je udavljen u travničkoj tvrđavi. Ova legenda, dalje, navodi kao neposredan razlog ovako nesretnog pjesnikovog kraja njegovu pjesmu na narodnom jeziku **Čudan zeman nastade:**

*Čudan zeman nastade
Sve zlikovac postade.*

*Već takata nestade,
Zlo nam svako postade
Dobrih ljudi nestade.
Krivda pravdu zamela
Pa se pravda umela.*

S posebnom kritičnošću Ilhamija posmatra predstavnike uleme kojoj je i sam pripadao:

Nasta čudna ulema

*Đoja rade i uče,
Ali sami sebe muče
Ne idu pravo ni hoće.*

Ne ostavlja pošteđene ni vezire i paše, ali ne uopćava i malo je oprezniji:

*Svi veziri pravo sude
Pa i paše dobro būde
Al murtati krivo sude.
I kod paša ima ljudi
Ko je dobar vrlo hudi
Kad je više zlijeh ljudi.*

Pretpostavlja se da je ovo jedna od posljednjih ako ne i posljednja Ilhamijina pjesma.

Vijest o Ilhamijinoj smrti primljena je i s revoltom i s tugom. Otud je ovako tragičan kraj popularnog narodnog prosvjetitelja, narodnog tribuna, porodilo mnoge legende u kojima je lik Ilhamije ostao da svijetli do dana današnjeg.

Ilhamijina tragična smrt našla je odraza i u književnosti. M. Ždralović je u jednoj medžmui u biblioteci Kairskog

sveučilišta pronašao pjesmu anonimnog autora na turskom jeziku³:

*U Bosnu dodje Ali Dželal*⁴

Čim dođe posta ohol

Pobi mnoge ljude, ote mal

Mnogi zaplakaše, a uciviljeni

„ne potrajalo“ govoriše.

Molbu uciviljenih uzvišeni Bog usliša

Tih dana mu uze dušu Zul-Dželal.

Rekoše: „Naša je to želja


O plemeniti Bože!...

U Kronici Muhameda Enveri Kadića⁵ navodi se tekst levhe koja je bila u Ilhamijinom turbetu. To su stihovi koje je ispisao pjesnik Arif 1277/1860/1. godine. S obzirom na vrijeme u kome su stihovi nastali, njihov autor mogao bi biti šejh Arif Sidki Kurt, koji je također pripadao nakšibendijskom derviškom redu.

3) Muhamed Ždralović: *Anali GHB*, knj. V-VI, Sarajevo, 1978, str. 127-143.

4) Dželal-paša je postavljen za bosanskog namjesnika 20.12.1819. i obavljao je tu dužnost do 29.11. 1822. godine. Umro je naprasno. Legenda to povezuje s Ilhamijinom tragičnom smrću i kaže da je nakon toga paša bio stalno potišten, ubrzo se razbolio i naprasno umro. Njegovo turbe i danas se nalazi na ulazu u Travnik.

5) Muhamed Enveri Kadić: *Kronika*, sv. XIX, str. 328.



Uzglavni nišan sa kronogramom
Šejh Abdulvehhaba Ilhamije

*On (Bog) je vječno živ!
U času kad je u vječnost preselio
Ostadoše u tuzi njegovi prijatelji.
Sebi je otvorio vrata Božije milosti i
perivoja rajskog.
A primjer mu se nije mogao naći u
njegovo vrijeme.
Zlonamjerno su ga obijedili mnogi
lašci.
Kada je njegovom nježnom životu
prispjela jesen
Ispio je smrtnu čašu Kevsera
I umro je mučeničkom smrću
Sejjid hadži šejh Vehhab.
Godine 1237/1821/2.“*

ILHAMIJINI RADOVI

TUHFETU-L-MUSALLIN VE ZUB-DETU-L-HAŠIIN (Dar i poslastica onima koji se klanjaju Bogu) je kraće djelo na turskom jeziku (54 lista) vjersko-didaktičkog karaktera, a govori o namazu, pobožnosti općenito i o lijepom vladanju. Djelo je napisano 1801, a pronađeno je u Tešnju i ustupljeno Gazi Husrev-begovoj biblioteci gdje se i danas nalazi pod brojem 4509.

Djelo je podijeljeno na uvod (*mukaddima*), tri poglavlja (*bab*), završetak (*hatima*), oporuka i savjeti (*vesaja*) te dodatak savjetima (*zejli vesaja*). Od sličnih djela iste namjene razlikuje se i po sadržaju i po sistemu obrade tema. Ovakvi priručnici inače se pišu šablonski, ograničeni na formalističko tumačenje pojedinih pitanja, na primjer: imanski šartovi (temeljne istine vjere) i islamski šartovi (temeljne dužnosti vjere). Ovdje se, pored glavne teme o namazu, govori o osnovnom načelu islams-

kog vjerovanja (*kelimei šehadet i tevhid*), o lijepom vladanju vjernika te o moralnom uzdizanju čovjeka u islamu.

Sve ove teme date su dosta opširno. Pisac se ne zaustavlja na opisu i izlaganju vjerskih propisa i dužnosti formalno, nego baca težište na vjerski i moralni značaj tih dužnosti. A kad govori o odgoju ljudi, njihovim slabostima i propustima, nastoji da to objasni prirodom čovjeka, psihološkim faktorima, naravno, u granicama onovremenog shvatanja.

Ono što je najbitnije kao metod rada, sva pravila, propisi i savjeti prisposobljeni su stvarnim prilikama, realnim uslovima savremenog života. Tako nam ovaj priručnik na izvjestan način daje i sliku vremena u kome je i za koje je pisan.

U prvom poglavlju, o namazu, kaže da je ta molitva majka svih ibadeta (*ummu-l-‘ibadat*), dakle najuzvišenije bogoslužje, a da je njegovo izvršavanje povjereno najsavršenijem biću - čovjeku.

Svoja razmišljanja o čovjeku izlaže ovako: Božjom voljom čovjek je sazdan od četiri elementa, dakle od onoga od čega je sačinjen cio materijalni svijet. Od svega što se nalazi u kozmosu ponešto je

i u ljudskom organizmu. Čovjek je naj-savršenije stvorenje radi koga je sve ostalo stvoreno, pa je stoga njegova odgovornost velika što potkrepljuje kur'an-skim riječima: *Zar ne vidite da je Allah potčinio i uredio u vašu korist sve što je na nebu i na zemlji* (sura Lokman, 20). Zato nemarne treba upozoriti i uputiti ih u to da je čovjek sposoban da primi i izvrši sva zaduženja i propise što ostali materijalni svijet nije. Ljudima treba kazati kad čine zlo i griješe da to ima negativan odraz na cio ostali svijet, i obrnuto.

Dalje navodi da je priroda čovjekova uslovljena elementima od kojih je sazdan pa otud i njegove naravi: hladnoća, toplina, vlažnost i suhoća. Izlaže, zatim, u čemu se manifestira svaka od tih naravi, u čemu je njihova korisnost, odnosno štetnost. Čovjek je „mali svijet“, koji u sebi, u mnijaturi, ima sve ono što ima i kozmos. A oni su slični i autor navodi oko stotinu primjera te sličnosti. Na primjer, što je u kozmosu sunce i mjesec i njihovo kretanje, to je u čovječijem tijelu duša i njeno kretanje; na nebu zvijezde, u čovjeka oči; što je na nebu oluja to

je u čovjeku nasilje; na nebu je svjetlo, kod pravog čovjeka vjera; kad se zemlja iskopa poteče voda, kad se čovjek posiječe poteče krv; na zemlji se javljaju zemljotresi, u čovjeka groznica, uzbuđenje: što je na zemlji pomrčina to je kod čovjeka neznanje, itd.

Ideja o čovjeku kao mikrokozmosu preuzeta je iz grčke filozofije i našla je mjesta kod mnogih sufija, pa i kod Ilhamije. On tako veli: „Zato čovjeka, kao najsavršenije Božije biće, treba poštivati i ne smije se ubijati, jer iz toga nastaju teške posljedice i neredi“. Zanimljivo je da Ilhamija zahtijeva poštivanje ljudskog integriteta nezavisno od toga je li vjernik ili nije, i one što ne vjeruju ne smije se zlostavljati. On se zalaže za bogomolje drugih vjeroispovijesti i smatra da njihovo rušenje ili nepoštivanje izaziva kod nemuslimana odium prema muslimanima i vlasti općenito.

U drugom poglavlju Ilhamija tematizira višu svrhu i korist od namaza, odnosno nagradu koja slijedi pravom vjerniku. A u trećem opominje grešnike koji ne obavljaju vjerske dužnosti i prijeti im kaznom.

U završnom dijelu (*hatima*) govori o moralnom dobitku za skrušeno obavljanje molitve, suštini duše, o pravilnom učenju *Kur'ana* te svemu tome pridodaje savjete. Pod naslovom *Tenbih* (važna opomena) između ostalog kaže: „U one koji ne znaju svoj ilmihal i koji ne očituju pravilno osnovni princip islama, spadaju uglavnom neuki slojevi društva, nemarni koji duhovno spavaju, neuki derviši i derviški otpadnici (*zenadikai dervišan*), razni gatar i astrolozi, oni koji se bave magijom (*sihir*) i proricanjem budućnosti, kao i oni koji takvima vjeruju.“

Pod naslovom savjeti i oporuke (*vesaja*) autor daje više kraćih savjeta, na primjer: „O pobožni vjernici! Grijeha se prodjite! Sa svakim imajte lijepe odnose. Podižući i gradeći ovaj svijet (*dunjaluk*) ne rušite onaj budući (*ahiret*). Ne prihvaćajte navike neznalica i djela nevaljalaca. Ne učite nauku radi zauzimanja viših pložaja. Ne izdvajajte sebe iz redova pravih vjernika pušeći duhan“. Itd.

U posljednjem poglavlju Dodatak savjetima (*Zejli vesaja*) autor se ponovo

savjetima obraća vjernicima i to kao da se oprašta i od njih i od ovoga svijeta. Tako, između ostalog, kaže: „Dozivao sam, ti ne gledaš. Kazivao sam, ti ne slušaš. Davao sam pouke, a ti kao da ne vjeruješ. Savjetovao sam, a ti ne primaš. Znaš li okud to? Ne nadaš se da ćeš sutra umrijeti. Haramom si se nahranio, haramom se obukao. Ne držeći se reda i pravde postao si nasilnik“. *A Bog neće izvesti na pravi put nasilnike.* (sura Al-An'ām, 144).

Dalje kaže: ulemu kvari i kalja zavirljivost. Visoke službenike kvari nasilje. Gospodu oholost, imućne ljude njihov imetak, siromašne njihovo siromaštvo, trgovce pohlepa, hadžije njihova titula, seljake kvari i vodi na stranputicu neznanje, žene kvari nakit, momke njihov mangupluk, učenike lijenost, pobožne licemjerstvo...

I, opraštajući se od čitaoca: „Ja više nemam strpljenja. Ne mogu da čekam. Pun sam osjećajnosti, ne mogu izdržati. Datum mog rođenja je 1187/1773. godina. Na času smrti napomeni mi šehadet da ne bih otišao na onaj svijet bez imana. Zatvori mi oči, neka se niko mene ne

prestraši. Neka imami nemaju poteškoća i uznemirenja. Neka tijelo ne poprimi zadah raspadanja zbog dugog zadržavanja. Neka braća ne vide tegobu i bol. Lijepo i brzo sve dovršite (oko moje opreme) da vjernici nemaju nikakve tegobe ni dosade zbog mog sahranjivanja“. Zatim spominje imena svojih sinova: Muhameda, Emina i Halila kao i svoju tešku glavobolju.

U prozi je Ilhamija još napisao kraći ilmihal na narodnom jeziku. To je islamska početnica za djecu pisana popularno a u narodu je poznata kao *Ilmihal hadži-Abdulvehhab-efendije*. Kao i njegove pjesme, i ovaj se ilmihal mnogo prepisivao i tako se širio krug njegovih čitalaca. Ovaj katehizis ima 31 list formata 16,5x12 cm, a jedan primjerak prepisa nalazi se u Gazi Husrevbegovoj biblioteci pod brojem 2929.

Građa ovog priručnika raspoređena je ovako: navodi 54 farda ili šarta koje svaki vjernik mora znati, vjerovati i izvršavati. Iza toga slijede upute šta valja a šta ne treba učiniti, šta je lijepo a šta nije, te završava izjavama i željama uglednih ljudi koji kazuju šta najviše

vole. Ilhamija za sebe kaže: „I još ovaj fakir veli i ja troje najviše volim: učenicima ders dati, vaz učiniti i turkinju pravu pod ničahom vidjeti“.

Postoji pretpostavka da je Ilhamija napisao još dva prozna djela. Naime, Osman Asaf Sokolović u jednom tekstu u *Gajretu* navodi da je Glavni odbor ovog društva 1933. godine zaključio kako treba sakupljati materijale iz naše kulturne ostavštine.⁶ U vezi s tim zaključkom, Derviš Buturović, kadija iz Konjica, sabrao je nekoliko zanimljivih dokumenata, među njima i rukopis u kome su uvezana tri djela: *Sarf* (gramatika arapskog jezika), *Bosansko-turski rječnik sa razgovorima* i *Ilmihal hadži-Abdulvehhaba*. Sva tri rukopisa prepisao je 1218. godine Ibrahim, sin Fazlin, iz Konjica. To je ujedno treći poznati primjerak ovog Ilhamijinog rada. Sokolović u svom članku pretpostavlja da je autor sva tri rukopisa jedan čovjek: „Iz gornjeg razabiremo da je Abdulvehab Žepčanin pisac Ilmihala, a vrlo je vjerovatno i rječnika i sarfa, što

6) Osman Asaf Sokolović u članku u *Gajretu* broj 198, Sarajevo, 1933. godine.

se do sada nije znalo“. Ova bi pretpostavka mogla imati osnova prije svega zato što je tekstove prepisao jedan čovjek, što je Ilhamija učio u Fojnici, a ovo mjesto je bilo dosta povezano sa Travnikom, Žepčem i Konjicom, gdje je Ilhamija bio poznat i poštovan. Zatim, Ilhamija je stalno insistirao na potrebi učenja i važnosti nauke. Kako široke mase nisu znale orijentalne jezike, nije isključeno da je Ilhamija napisao gramatiku arapskog jezika i rječnik da bi olakšao učenicima rad.

Treće Ilhamijino djelo je *Divan*. U gazi Husrevbegovoj biblioteci nalaze se tri rukopisna primjerka ove zbirke, a zavedeni su pod brojevima 3025, 3056 i priv. broj 51. Prva dva su istovjetna, razlikuju se samo po formatu. Rukopis pod brojem 3025 ima 44 lista formata 15x10,5. U ovom primjerku nedostaje posljednji list na kome su dijelovi dviju pjesama. Prepisan je 1259/1843. i nema nikakvih podataka u čijem je vlasništvu bio. Drugi je primjerak pod brojem 3056 ima 37 lista, 18x12. U ovom primjerku *Divana* su četiri pjesme na arapskom, 13 na narodnom i 40 na turskom jeziku.

Posljednja upisana kasida u ovom divanu nema *šah-bejta* (stih sa pjesnikovim imenom), pa je to navelo Kasima Dobraču da posumnja u autorstvo Ilhamijino. Međutim, sudeći po stilu i jeziku, ova je kasida vjerovatno Ilhamijina. *Šah bejt* je mogao izostaviti prepisivač, ili je, možda, naknadno dopisao i ovu pjesmu pa izostavio ime pjesnika. U prilog ovoj pretpostavci ide i činjenica da prepisivač nije uvrstio nijednu pjesmu drugog autora, pa što bi to činio s ovom kasidom.

Treći primjerak Ilhamijinog *Divana* nije posebno uvezan nego se nalazi u jednoj medžmui sa poezijom drugih pjesnika. U biblioteci je ovaj primjerak zaveden kao „Medžmua Sirri i Ilhami“. Tu su u početku neke pjesme Abdurahmana Sirrije, zatim Muhibbije, Ummara, Junusa, Mesuhija, Mijazije, Jusufa, Ruždije, Lutfije, Izzeta, Sinanija, Mejlije, Džemalije, Ramiz-paše, Sezaije, Ešrefa, Ismail Hakkije, Kaimije, te Ilhamijin *Divan*.


Medžmua ima 82 lista, 28x18, prepisana je 1256/1840. Sam Ilhamijin *Divan* ima 37 stranica i sadrži 69 pjesama. Među ovim pjesmama ima 16 kojih

nema u navedena dva primjerka, ali su i izostavljene neke pjesme koje sadrže ranije pomenute dvije zbirke. Ukupno ima četiri na arapskom, 13 na narodnom jeziku i 52 pjesme na turskom jeziku.

Medžmua je iz zbirke porodice Hadžiahmetovića iz Fojnice, odnosno Visokog.⁷ Ta porodica potiče od Ilhamije, i ona je prenosila ovu medžmuu s koljena na koljeno. Zbirka je preuzeta za GHB od Abdulkadira Hadžiahmetovića 1979. godine, derviša visoke tekije koji ju je vjerovatno čuvao radi učenja ilahija u tekiji.

7) Po predaji, koja se održala u porodici Hadžiahmetovića, Ilhamija je imao još sina Mula Hašima, koji je živio u Fojnici. Mula Hašim je imao četiri sina: Abdulvehhaba, Ragiba, Ejuba i Rasima. Hafiz Abdulvehhab je imao tri sina: Ishaka, Ismaila i Hašima i dvije kćeri: Hafizu i Eminu. Ismailova tri sina: Nusret, Abdulkadir i Halim su još živi. Hašimov sin Mahir je takođe živ. I po ženskoj lozi ima živih Ilhamijinih potomaka. Ilhamijina unuka Čehadžić bila je udata za Mehagu Salihagića koji je imao sina Edhema, a ovaj četiri sina: Mehmeda, Halida, Tajiba i Ibrahima, svi živi.

Gotovo svi Ilhamijini potomci su imali vjersko obrazovanje, iako se svi nisu bavili tom profesijom.



Svi Ilhamijini radovi mogli bi se podijeliti u dvije tematske cjeline: didaktički, poučni, i misaoni, mistički. Prozni radovi pripadaju uglavnom ovoj prvoj grupi. U njima je primaran savjet, pouka, uputa, a tek uz tematiziranje vjerskog nauka autor razmišlja o čovjeku i smislu njegovog ovozemnog života. U ovu grupu spadaju i njegove pjesme na narodnom jeziku.

Ilhamija je tipičan narodni prosvjetitelj, njegova nakana je da stalno poučava djecu i šire slojeve i zato im se obraća na njima razumljivom narodnom jeziku. Njegova pouka kreće se od savjeta o ponašanju u svakodnevnom životu do uputstava u činjenje djela kojima će se „zaraditi“ za bolji život na onom svijetu.

Iz ovih tekstova, posebno poezije, možemo doznati dosta i o vremenu u kome je Ilhamija živio. Rekli smo već da je to teško vrijeme u kome su došle do izražaja mnoge slabosti vladajućeg sistema. Ilhamija to sve vidi i reagira kri-

tičkom riječju, savjetom, opomenom. S podjednakom kritičnošću on posmatra slabosti i mane kod puka i mjesnih vlastodržaca, a ne štedi ni paše ni vezire. Njegova je riječ najčešće odmjerena do granice da ne pozlijedi, samo je ponekad veoma oštra i sasvim konkretna, kao na primjer u pjesmi *Čudan zeman nastade*.

Ilhamija je vjernik koji u vjerovanju vidi sve: stoga je za njega jedini način da se stanje promijeni nabolje u pridržavanju vjerskih propisa i obavljanju dužnosti. Ako bi se čovjek okrenuo Božijoj riječi i djelovao u ime Boga, nestalo bi zala i nevolja. Ilhamija je živio takav život i zato je imao moralno pravo da govori što je govorio, da savjetuje, opominje, kritikuje. I zato je do danas ostao njegov lik svijetao u narodnoj predaji, a njegova poezija, kao izraz njegovog shvatanja života, i danas je razumljiva i rječita.

Ilhamijina poezija na arapskom i turskom jeziku nije imala tendenciju kao ona na narodnom, nije pisana u konkretnu, didaktičku svrhu. To je uglavnom mistička poezija koja je teško prohodna i razumljiva onome koji nije upućen ne

samo u terminologiju nego i tematiku ove vrste pjesama. Ovdje se Ilhamija iskazuje kao mnogo bolji stvaralac, očito je da je pisao po nadahnuću ne opterećujući se željom da ga svako razumije.

Do sada nije pronađen nijedan autograf Ilhamijinih djela. Sve što je sačuvano, i proza i poezija, rasuto je po međzmuama ili sakupljeno u zasebne knjige. Kako je bio veoma popularan, njegova djela su mnogo prepisivana i kao što se dešavalo svim djelima koja su na taj način prenošena, ima dosta neujednačenosti i različitih verzija.

هَذَا الْإِلَهَامِيُّ أَوْ تَدْنِي بِرَأْيِهِ مَلْعُونٌ فِي نَانَارٍ
قَادِ أَوَّلَ الْوُجُهِ مَدْرُودٌ فِي دَانِهِ أَيْدِي نَانَارٍ
فِي مَوْجِهِ قَوْسِيَا قَرَّةً حَوَاجَهُ دُونَهُ فَخَاجَ بَرِّ أَوَّلَ نَانَارٍ

١١٥٣

اللَّهُ أَوْلُو دَرَامَتَيْنِ طَوْبَانِ قَوْلِيَا
مَوْجِيَا كَرِيمِ يُولِي دَرَامَانِ أَلَا اللَّهُمَّ مَدْرُودُ اللَّهِ

U nekim pjesmama veoma je vidljiv rukopis prepisivača. Bilo je među der-
višima, poklonicima Ilhamijinim, neukih
i netaleantiranih, koji su ponegdje nešto
mijenjali, dodavali ili oduzimali. Negdje
se može utvrditi šta je to tuđe, a negdje
smo u dilemi je li pojedini stih ili izraz
autentičan ili nije.

Ima i stihova koji odudaraju od Ilha-
mijinog učenja, jer se kose sa šerijatsko-
pravnim propisima. Tako on u jednoj
pjesmi kaže:

*Ragbet čini šerijatu
A dost budi tarikatu.*

U neke stihove, koji se javljaju kao
refreni, sumnja se da su Ilhamijini:

*Hajde derviš u tekiju, i
Drž se dobro šejha svog.*

Ovih stihova nema u nekim verzijama
a sumnja da su izvorni dolazi od toga što
Ilhamija nigdje ne glorificira svog šejha,
nigdje ni ne pominje ime svoga šejha.
Često se kritički osvrtao na dervise i
sumnjao u njihovo znanje. Kad govori o
dalekosežnom značenju kelime i tevhida
sa mističkog stanovišta, kaže da to ne
shvata većina derviša i zenadikai der-

višan (derviški heretici). Dakle, kteško je prihvatiti da bi mogao biti Ilhamijin stih: *Drž se dobro šejha svog*, jer i šejh može biti grešnik pošto je ljudsko biće općenito sklono grijehu.

U stihove nesigurne vjerodostojnosti treba navesti i ove:

Ako nećeš derviša iz vire si iziša.

ili

Tko nema svog šejha

Njegov je gospodar satana.

Ilhamijinu poeziju obradili smo prema primjerku *Divana* koji se vodi u GHB pod brojem 3056 i zadržali isti redoslijed pjesama na turskom jeziku i dadali im pjesme iz drugog primjerka, koji je zaveden pod brojem privr. 51, opet po redoslijedu iz te zbirke. Što se tiče pjesama na narodnom jeziku, njih smo izdvojili i, zajedno sa onim koje smo pronašli u drugim izvorima, stavili na početak ovog rukopisa. Mnogi autori koji su pisali o Ilhamiji navode kako je napisao dvadeset ovih pjesama. Dugotrajnim traganjem mi smo našli osamnaest.

U Gazi Husrevbegovoj biblioteci nalazi se jedna medžmua koja se vodi pod

brojem 5939/3. Na kraju te medžue prepisivač donosi pet pjesama za koje kaže da su Ilhamijine. Tri imaju pjesnikovo ime, a spominju se i u drugim izvorima. Sigurno su tri od ovih Ilhamijine pjesme:

- 1) *Džennet saraj guzel kuća*
- 2) *Dervišluk je čudan rahat*
- 3) *Ja upitah svoje duše*
- 4) *Pisati je velik siklet*
- 5) *U pamet se ti obuj.*

Pjesma pod brojem 5 je djelo šejha Abdurahmana Sirrije. Pjesma pod rednim brojem 4 ima deset stihova. Muhamed Ždralović je u Orijentalnoj zbirci JAZU u Zagrebu našao jedan kodeks pod brojem 2020 u kome ima više Ilhamijinih pjesama na narodnom i na turskom jeziku. Tu je i alhamijado pjesma pod naslovom Nasihat, a počinje stihom: Pisati je velik siklet. Pjesma ima dvanaest strofa sa po četiri stiha. Svaka strofa završava stihom: Molim vam se učite.

U vezi s autorstvom ove pjesme mišljenja su podijeljena. On bi mogla biti Ilhamijin po tematici, ali kako nema *šah-bejta* ne može se tvrditi. Istina, mnogi prepisivači izostavljali su *šah-bejta*, ali

to opet nije pouzdan dokaz. I sama pjesma ostavlja dilemu. Na primjer:

*Daim kašljem i kišem
Sakat rukom sve pišem
Zaif hasta sve pišem
Molim vam se učite.*

Prvi i treći stih upućuju na bolesna čovjeka, što je Ilhamija i bio, i više puta je mislio da će umrijeti pa se opraštao od svojih. Drugi stih, međutim, govori o sakatoj ruci, a nigdje se ne pominje ovaj pjesnikov nedostatak. I strofa:

*Ja bosanski govorim smijeh
Nit je sevab nit je grijeh
Mlogo nešto ja podnijeh
Ode duša osta mijeh.*

Ide u prilog mišljenjima koja odriču Ilhamijino autorstvo u slučaju ove pjesme. Naime, Ilhamija nije nigdje govorio o smijehu i inače je pisao samo o veoma ozbiljnim stvarima.

* * *

Pred čitaocem je Ilhamijina poezija na narodnom i izbor iz poezije na turskom jeziku. Ona će sama najbolje reći o svojoj vrijednosti i o svom autoru.

POEZIJA NA NARODNOM JEZIKU

DŽENNET SARAJ...

*Džennet saraj đuzel kuća,
Tko uniđe, eto sreća.*

*Al' ti radi ovde hodža,
Da hurijam budeš kodža.*

*Al' još veća vidjet Boga,
Devlet nejma iza toga.*

*Der ti nađi ovde Njega,
Ašik nek je, to je briga.*

*Lijep dizar nek ukaže
Muhib olan ovo traže.*

*Evlijai srcem vide,
Sve najviše rutbe ide.*

*Kad Ga vide, sebe gube,
Kavgu čine da pogube.*

*Zira gafil svi su dušman,
Njim je pôbro bio šejtan.*

*Ilhamiji dost je Rahman
Derviš budi, etme tugjan.*

*Ako treba tebi ihsan,
Gönul nek je daim bustan.*

*Zikrullah je tome derman,
Kur'an veli to je iman.*

*Halik reče ile-l-ihsan,
Tevhid čini, naćeš džinan.*

POTLJE BOGA

*Potlje Boga ne miluj,
A drugog se ti ne boj,
Tko ne traži nije tvoj,
Allah, Allah, aškile ja Hû.*

*Džehl kufru to je brat,
Ili sjedit il ležat,
Uzmi od mene ti berat.
Allah, Allah, aškile ja Hu.*

*Gledaj dušu i Boga,
A dun'jaluk neka ga,
Uči kardeš rad Bog,
Allah, Allah, aškile ja Hu.*

*Devr ne čini nikoga
Ti pogledaj svakoga,
I ne muči nikoga.
Allah, Allah, aškile ja Hu.*

*Boljeg ništa ne ima,
Da ti znadeš šta ima,
Govorio bi daima,
Allah, Allah, aškile ja Hu.*

*Srce vrlo ugrije,
Duša vrlo miluje,
Tebe vrlo opro je,
Allah, Allah, aškile ja Hu.*

*Griješ ti đunah ne bude,
Hadži-bajram kad bude,
Da li vidiš šta vide?
Allah, Allah, aškile ja Hu.*

*Evlijaska merteba,
Od zemlje (je) do neba,
Golema je debdeba,
Allah, Allah, aškile ja Hu.*

*Ilhamija murekkeb,
Neće ići u mekteb,
Već uzjaše na merkeb,
Allah, Allah, aškile ja Hu.*

DERVIŠLUK JE ČUDAN RAHAT

*Dervišluk je čudan rahat,
Nemojte vi na to mahat,
Golem će bit to kabahat
Hajde ašik u tekiju!*

*Šerijat je tomu glava,
Slade jesti nego halva,
Čišće biti nego Sava
Hajd dervišu u tekiju!*

*Što god ima, Bog stvara,
Nejma višeg gospodara,
Der izadi iz šalvara,
Hajde dostu u tekiju!*

*Nemoj bolan da te kara,
Vrlo svetac ogovara,
Tko god dušu ne obara,
Hajde ašik u tekiju!*

*Ne rastaj se od sufara,
Puno čini istigfara,
Biž od griha, od kuffara
Hajde dostu u tekiju!*

*Ilhamija dobro čuti,
Illa illači, ter ne šuti,
Jer Dženneta neko ruši,
Hajde dostu u tekiju!*

*Evlijaluk ti ne muti,
Dušu Bogu der uputi,
Miradž sebi nakoruti
Hajde dostu u tekiju!*

HAJAT DOK JE

*Hajat dok je u rukama der ti traži,
I što znadeš, svojoj bratji kaži.*

*Ako hoćeš vuslet nać ne laži,
Zikrullahom svoje srce užeži.*

*Ti od hodže i od šejha ne biži,
Der agjarom lipo srce ne žeži.*

*Od dizara Božijega ne biži,
Svoju dušu grihovima ne maži.*

*Muhammedu i dragom Bogu ne laži,
Kada umreš, u kaburu ne traži.*

*U Kur'anu, u kitabu rečeno,
Nek je srce zikrullahom pečeno,*

*Ilhamija tebi kaže učeno,
Da prid Bogom ti ne budeš mučeno.*

DŽURM VE HATT

*Džurm ve hatta isjan za benden ja
Rabbi,
Kerem, lutf, ve ihsan senden ja Rabbi.*

*Sve je dušman potlje tebe ja Rabbi,
Kad je tako, jer sam pišman ja Rabbi.*

*Ti si mevdžud, više nejma, ja Allah.
Ti si Zahir, sve je mestur, ja Allah.*

*Sve zakire ukabuli ja Rabbi,
I abide ti naputi ja Rabbi.*

*Gafile nam ti probudi ja Dejjan
Muško žensko ti naputi ja Subhan.*

*Lazim ti si, više neću, ja dostum,
Rahat safa ti si meni džennetum*

*Šta će smetat muka, džefa ja Ma'bud
Kad imamo takog dosta ja Mevdžud*

*Nejma brige potlje danas ja Rahman
Ovde kavga, enfusovi i šejtan.*

*Održi nas na ovome ja mevlan,
Potraži nas ovde i tam ja Imam.*

*Ilhamija svome dostu moli se,
I za danas potlje Boga ne boji se.*

BOGA TRAŽI I PLAČI

*Boga traži i plači,
Zikrullah sve uči,
Dohodićeš tu jači,
La ilahe illallah.*

*Ti nikoga ne muči,
Svoga nefsa poturči,
Uzmi Kur'an te uči,
La ilahe illallah.*

*Ako nećeš derviša,
Iz vire si iziša,
Sve dragi Bog okuša,
La ilahe illallah,*

*Oporuči sobom Bogu,
A ne idi na kavgu,
Allah ne da pod nogu,
La ilahe illallah.*

*Što je takdir sve će biti,
A nemoj se ni s kim bit,
Ured će ga Bog ubit,
La ilahe illallah.*

*Traži dobro selamet
Ako hočeš hidajet
Tvrđi sebi velajet
La ilahe illallah.*

*Ilhamije ne falim,
Doli gori ne palim,
Na dušek se izvalim,
La ilahe illallah.*

AŠKOM NEK AŠIKI ...

*Aškom neka ašiki govore ja kerim
Allah,
Popit vino aškovo dokunsum, ja
kerim Allah.*

*Kad tebe hoće Subhan, budi alemde
sultan.
Džanum zatum kurban nek je ja kerim
Allah.*

*Tko te neće i ne traži, pa kog hoće,
neka kaže,
Iz tvog mulka nek izajde, što će, ja
kerim Allah.*

*Tko miluje i boji se, drugom neće da
moli se,
Ni u čemu ne mori se, miluj, ja kerim
Allah.*

*Tko ne traži i poćuti, nefis u njemu
melekuti
Plaćemo, dovu ti oćuti, uzmi, ja kerim
Allah.*

*Zikir tebe tko ne čini, nek progleda ti
načini,
Ja Džehennem ti učini, metni, ja
kerim Allah.*

*Ilhamija tebe hoće, njega neće,
al ako će,
Iršad čini, ak' i neće, vidi, ja
kerim Allah.*

AKO PITAŠ ZA DERDVIŠE.....

*Ako pitaš za dervise opeta,
Pogledaj him po svijetu turbeta.*

*Golem devlet nije od cara oteta,
Što god ima u njija je izzeta.*

*Ti ne slušaj ako tko god pometa,
Njima briga i dunjaluk deseta.*

*Sve muškile Muhammeda upitaj,
Dušu traži, a i Boga opeta.*

*Nuto, brate, ja golema devleta
Za njim ide baš sve osam dženneta*

*Neće tražit srebra, zlata, guzata
Safa našli, a što će him, neg je ta.*

*Ilhamija nijaz čini himmeta,
On je našo, nije stalo tko smeta.*

JA UPITAH SVOG JASINA

Ja upitah svog Jasina, jer ne vide
mu' minūn
On mi veli Ne čudi se, uče oni gafilūn
Jer ne traže sveca, Boga, jer ne budu
'āšikūn,
On mi veli Ne čudi se, fe hum
ja 'mehūn ¹

Jer ne vide sjajnog zata, jer ne budu
gāibūn,
On mi veli Ne čudi se, fe hum la
jub sirūn ²

Jer ne čuju ko ji zove, jer ne budu
muti'ūn,
On mi veli Ne čudi se, fe hum la
jahše'ūn ³

Jer ne čute što se zovu, jer ne budu
'ārifūn
On mi veli Ne čudi se, fe inne hum
la ja 'lcmūn ⁴

1) Oni su u zabludi

2) Oni ne vide

3) Oni nisu bogobojažni

4) Zaista oni ne znaju

Jer evlija ne odleti, jer ne bude
On mi veli Ne čudi se, inna ilejkum
gāibūn,
murselūn ¹⁰

Jer Ilhamija vrlo plače, jer ne bude
On mi veli Ne čudi se, ve ilejhi
kun fe jekūn, ¹¹
turdže'ūn, ¹²

10) Zaista smo mi vama poslani

11) Zašto nije Božja odredba: Budi i to biva

12) Njemu ćete se vratiti

یا رب انکس علی القلب ربنا
 یا رب انکس علی القلب ربنا

یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا
یا رب انکس علی القلب ربنا	یا رب انکس علی القلب ربنا

یا و احد اقبل ثم اقبل الیها
 یا و احد اقبل ثم اقبل الیها

مالی اراه

BOGU FALA KOJI ČUJE....

*Bogu fala koji čuje šta velim,
Ja ovoga svakom sirra ne velim.*

*Njemu šukur koji znade šta činim,
Od evlada od žena ga najvolim.*

*Majke nejmam, a pедера ne pamtim,
Što sam fakir i sirota ne velim,*

*Jetimima on je reko ja sam him
Milostivan, i od svega dost sam him.*

*Mu'min bismo, talib bismo hodžajim
Zakir bismo, ašik bismo kodžajim.*

*Al dervišluk i hudurluk najvolim,
Kad je ovo ja se drugog ne bojim.*

*Ja boljega sebi dun'ja ne tražim
Ilm imam, ja se drugom ne molim.*

*Srcem vidim, ja drugoga ne tražim,
On je zahir, on je batin ne bižim.*

*Ilhamija fali Boga dok umrem,
Da brež njega u kaburu ne ležim.*

SRCE MOJE DA TI KAŽEM

*Srce moje da ti kažem,
Ili sidim ili spavam,
Al sam s kijem ili posam,
Riječi ja kerim Allah.*

*Drugih nejma, njega selam,
Jer ćeš činit puno kelam,
I ne treba biti menam,
Jardum, ja kerim Allah.*

*Srce veli ja sam našo,
Di je reko, tu sam došo,
A nurom sam zamirušo,
Belli, ja kerim Allah.*

*A ja velim der još traži,
Kada najdeš ti kaži,
Onda rahat ti poleži,
Jel de, ja kerim Allah.*

*Za pô vijeka i dan i noć,
Ja dostu najdoh pomoć,
Kad ga zovnem, reče mi doć,
Vjeruj, ja kerim Allah.*

*Ilhamija preču behar,
Hoće halku biti uhar,
Pomilova njega Settar
Aman, ja kerim Allah.*

TI NE HODAJ BRESPOSLEN

*Ti ne hodaj bresposlen,
Budi Bogu pokoran,
Namaz ti je naklanjan,
Allah, Allah reci ti.*

*Vidi sunca i mjesec,
gledaj vuka i u zec,
Hajde u Stambol i u Beč,
Allah, Allah, reci ti.*

*Gledaj brda i vode,
Haj za vjetrom kud ode,
Evlijai svud hode,
Allah, Allah, reci ti.*

*Raste trava, teče Sava,
A vidjet ćeš i Dunava,
Nek zaludu nije lava
Allah, Allah, reci ti.*

*Gledaj Ka'be i džamija,
Vid' devleta i tekija,
Šah, vezira i hadžija,
Allah, Allah, reci ti.*

*Misir, more i po Šama,
Hasan, Husejn imama,
Tu će lijepa bit kelama
Allah, Allah, reci ti.*

*Ismail, Bender i Hozija,
Tu će od Vlaha bit buzija,
Hukum svagdje jest Božije,
Allah, Allah, reci ti.*

*Ti Zemuna ne hesabi,
Udri džifr prohesabi,
Vidi dobro u kitabi,
Allah, Allah, reci ti.*

*Undurus je turski bio,
Kralj se šahu tu molio,
Nije nitko pohudio,
Allah, Allah, reci ti.*

*Crna Gora, a tu blizu mora,
Tu će sablja jedna biti vura,
Ali s mora čudna puhnu bura,
Allah, Allah, reci ti.*

*A Morača najpotlje pogača,
Tu će malo biti i do plača,
Ali turska vojska jača,
Allah, Allah, reci ti.*

*Ilhamija ne zna ništa,
Njemu nije ovde mjesta,
Potlje Boga nejma dosta,
Allah, Allah, reci ti.*

مقرر در بزم الصلوات و بلی
 کند ذائقہ حلقہ کندن کوزے
 یحی وحدت اہل تسبیح اجمالی
 مست و غم سر یزدان کورے
 کشف حلقہ کند نفسی بڑھے
 کند ذائقہ حلقہ کندن کوزے
 انبیا و مرسلینک دو کلی
 رضا و صلت اہلی قرآن محلی
 آخر عمرہ بشوئے اجمالی
 کند ذائقہ حلقہ کندن کوزے
 الہامینک حقہ و اصل اولی
 نور و خدت کشف ایلینہ کیدلی
 فقر و فخری منفرینی بولی
 کند ذائقہ حلقہ کندن کوزے
 دستور حصہ تحت بعدن اللہ الملک الوہاب
 ای بیلن نعلت کلا بیان اول اسما در
 اول اسما بیلن بیلورین سولہ معانی ندر

JA UPITAH SVOJE DUŠE

*Ja upitah svoje duše:
Kaži mi se ko si ti?
Ona veli: De pogledaj,
Moj saltanet u sebi.*

*Dva su šaha i dva tahta
Ja sve sudim po sebi,
Dva čehaja i dva svita,
Vas je hućum na meni.*

*Kavsi ala avsi esfel,
Ulvi, sufli, nije li?
Bešer, melek, enfus, felek,
Niko drugi ne moli.*

*Kesif, latif, feršu, arš
Niko drugi ne broji,
Ešrar, ebrar, veli, nebi,
Niko drugog ne želi.*

*Zahir, batin, i dan i noć,
Svak se meni veseli,
Günül saraj, nek je pomoć,
Nek je ašik teselli.*

*Ilahamija lipo kaže,
Nek ti nađeš tedželli,
Keşfu şuhud kad se kaže,
Onda ćeš ti rit: belli.*

DER TI AŠIK HAJDE DOSTU

*Der ti ašik hajde dostu,
Ragbet čini šerijatu
A dost budi tarikatu
Hajde, ašik, u tekiju.*

*Lajik budi lijepom Zatu
Mazhar budi devletu,
To ne bude svakom dato,
Hajde, ašik, u tekiju.*

*Ti ne gledaj osim Jednog,
Vazda viči ti sve Jednog,
Kud god hodiš misli Jednog,
Hajde, ašik, u tekiju.*

*Ti ne gledaj na džahile,
U kahvama sastanu se,
Fasul čine sve napose,
Hajde, ašik, u tekiju.*

*Hić o Bogu ne brinu se,
Svojoj duši ne boje se,
s tog najgori jesu po se,
Hajde, ašik, u tekiju.*

*Ilhamija tebe uči,
Zikrullah ti puno uči,
s tijem sebe puno muči,
Hajde, ašik, u tekiju.*

ČUDAN ZEMAN NASTADE

*Čudan zeman nastade,
Sve zlikovac postade,
Din dušmanin ustade:
Šta se hoće zaboga?*

*Već takata nestade,
Zlo nam svako postade,
Dobrih ljudi nestade,
Šta se hoće zaboga?*

*Ne gledaju u čitab,
Ne uzimlju hič džavap,
Niti misle na hesab
Šta se hoće zaboga?*

*Ovo trpit teška muka,
A još viša turska bruka,
Munafika stoji huka.
Šta se hoće zaboga?*

*Turčin nema amela,
Krivda pravdu zamela,
Pa se pravda umela.
Šta se hoće zaboga?*

*Nasta čudna ulema
Jer ne čine amela
Od njih jedna proloma!
Šta se hoće zaboga?*

*Doja rade i uče,
Ali sami sebe muče,
Ne idu pravo niti hoće.
Šta se hoće zaboga?*

*Džahilima kazuju,
Sami sebe namazuju,
Znanosti ukazuju,
Šta se hoće zaboga?*

*Ulemanskog sada hala,
Zalud njima đekad fala,
vrat slomiše porad mala.
Šta se hoće zaboga?*

*Kad mu gledaš u kijafet,
Dao bi mu zijafet,
Krivo uče za sijaset.
Šta se hoće zaboga?*

*Nije kadar biti imam,
A kaže se potamam,
Jordam čini ko šejhu-l-islam.
Šta se hoće zaboga?*

*Svi veziri pravo sude,
Pa i paše dobro bûde,
Al murtati krivo gude.
Šta se hoće zaboga?*

*I kod paša ima ljudi,
Ko je dobar vrlo hûdi,
Kad je više zlijeh ljudi,
Niko ne zna do Boga.*

HAJDE SINAK TE UČI

*Hajde, sinak, te uči,
Po sokaku ne trči,
Svoje srce poturči,
To je ni'met najveći.*

*Ko je džahil i neznan,
Sam je po se nesretan,
Kod Boga je grehotan,
Kod svijeta sramotan.*

*Uči, sinak, i piši,
A skaćući ne griši,
Jer kad budeš još viši,
Kajat ćeš se po duši.*

*Puno odveć ne spavaj,
Sve u mekteb prispivaj,
Po silima ne hodaj,
Dobro ti ders nagledaj,*

*Ko u mekteb nabrži,
A iz njega ne bježi,
Već učenje on traži,
Svakome je najdraži.*

*Slušaj hodžu i mater,
Nemoj biti ko vjetar,
Jer biće ti u dobar,
Udriš nosom u duvar.*

*Dobro klanjaj i robuj,
Dragom Bogu zafaljuj,
Ne griši se, ne luduj,
Što ne valja ne miluj.*

*U besjedi budi blag,
A ne viči ti ko vrag,
Pa da budeš svakom drag,
Da ne reknu: pas mu trag!*

*Nemoj psovati nikoga,
Makar bio za toga,
Moreš bit' bez toga,
Svak će doći pred Boga.*

*Nemoj ništa lagati,
Nemoj sebe faliti,
A ni drugog kaljati,
To su ružni hasleti.*

*Nemoj se ti krivo klet,
Da ti daju cio svijet,
Jer, ćeš, sinak, umrijet,
Vel'ku muku podnijeti,*

تفاضرت العلم عنه في هذا العصر . حفظنا الله واناكم
من كد ورايت الدهر . وان من ساعدته العناية
الازلية . ووصلت اليه الفيوضات الابدية .
العالم العاقل والفاضل الكامل الرزقي الاديب . والاب
لا بلغي الخليل الخلق بالاعلاق الموصلة . والمتصف
بالاوصاف الكريمة . البالغ في قبال السن من الكمال
مبلغ الشيب والمنزل عن توافل الحفاني وافر نصيب
السابق في مضمار الفضائل والقواضل . والحائز من
قصبات السبق ما فاضت عنه نعيم الخصال والامانة .
حتى تبلغ الى مقام ثاني الطلبة اليامن كل فح عميق .
ويحصلون عنهم ارفعهم من كل رقيق ودقيق .

العالم العاقل والفاضل الكامل عبد الرحاب بن عبد الرحاب
الترجيبي الشنوي الحارثي . وباللطف الجلي والحق المبرور
ولقد حصل عن بعض العلوم العقلية . وسعاد
ايضا لبعض العلوم الشرعية . حتى في ايام مجلتي في ايام

*Putem iduć ne jedi,
Ništa, sinak, ne kradi,
O ziju ne radi,
Ocu srca ne hladi.*

*Kad uzideš ne trči,
Možeš zube potući,
Ni u koga ne tiči,
Jer ti može šta reći.*

*Nemoj nosa kopati,
Ni čitaba šarati,
Ni haljina kaljati,
Ni otkrivat sramoti.*

*Primaj lijep ponašaj,
S arsuzom se ne miješaj,
Starijeg poslušaj,
Makar bilo u vršaj.*

*Bratinski ti kazujem,
Ne sastaj se sa zlijem,
Ko ushodi sa kijem,
Znaj ga čojkom nakijem.*

DE LI TI JE HALIL PAŠA

*De li ti je Halil paša,
A musafir Ali paša,
I goveda znaše naša,
De to biše laži vaše.*

*Postidte se, sramota je,
Pobojte se, grehota je,
Što činite promislite,
De to biše laži vaše.*

*Ovi svijet sad će proći,
Po dušu će meleć doći,
Neće vama laž pomoći,
Što su bile laži vaše.*

لم يبق له صفة ولا كبرية من الصفات التي هي
 ولم يسمع شيئا من الدقائق الا ضبطها وقتها
 سميها وافاض عليه علمه واملا مولا بعظيم
 وعمل من خواص عباده في جعل مظهر البشر العلم النافع
 والعمل الرافع ثم من كمال لطفه وجمال قواصيه
 استجاز مني ان يدر من كل فن ما يليق بحاله
 الطالب وان قل في هذا الزمان ينسب راعب ونا
 فاجرت بحسبه ان يروي غني بكل ما يجوز في زمانه
 وليسوع في رايته من المعقولات والمقولات
 من الحكمة والنفس والفقه يعني العلوم
 الشرعية والاشياء المرضية بحق راعي وروائي
 لجميع ذالك من شجرة واسمها شجرة الكرام وهو الذي
 دار السلام بها وبارك الله فيهم وعاشتم
 المشقة واليؤلف كل كتاب في الكمال
 من عظم الامثلة في الشايع من

ŠEJHOM IRŠAD TKO NE NAĐE

*Šejhom iršad tko ne nađe,
I zićira, la ilahe illeallah,
Šejtan njemu sve dojde,
La ilahe illallah!*

*Pejgamber nama sve kaže:
Tko avako ne traži,
Šejtan mu sve prikaže;
La ilahe illallah!*

*Men lem jekun šejhuhu
Feš-šejtanu rabbuhu,
Ovo reče abduhu,
La ilahe illallah!*

*Rekla su ulema.
To je maraz golema,
Kurtuliša baš nejma;
La ilahe illallah!*

*Tko ne znade evlije,
I Boga se ne boji,
I zaćire sve kori,
La ilahe illallah!*

*Aškom Boga nahodi,
Koren sufi ne budi,
Drugog ko ne vidi;
La ilahe illallah!*

*Ilhamije ne falim,
Hladno gòžde ne kalim
I golemo privali;
La ilahe illallah!*

PJESME NA TURSKOM JEZIKU

*Jesi li dao zakletvu, dobar savjet,
pravu uputu?
Osjećaš li mir duše? La ilahe illallah.*

*Jesi li se primakao Zatu, vidio
Njegovu veličinu i ljepotu?
Utapaše li se u Božjem biću?
La ilahe illallah.*

*Onoga kog nije usmjerio Ku'an i
Alejhiselam
Kroz život vodi šejtan!
La ilahe illallah.*

*Ne izdržiš li na Božjem putu, dalje
nećeš otići,
Ni stepen evlije postići.
La ilahe illallah.*

*Svi šejhovi o tom zbore, oni predani
to njima govore -
Dostojan si Božje blizine.
La ilahe illallah.*

*Ilhamijino nadahnuće i sâm govor i
Božja tajna
Iman mu je Taha Hidir.
La ilahe illallah.*

*U spomen Bogu nadje se poneki
muršid
Zikrullah svakom otvara vrata, ali
uz iršad*

*U zikrullahu tajno borave svi zanosi
Samo on sve tuge i brige otklanja i
nosi*

*U zikrullahu su svi stepeni skriveni
Ciljevi, želje i ispunjenja tu su
stopljeni*

*On mir duše, ljubav i užitak spaja
Sve dijelove sastavlja i ljude ne
razdvaja*

*U zikrullahu je sva vjernost, ljepota i
ponos
Time se spoznaje Allah kao ljubav i
zanos*

*Sve što je ružno i loše čudi s Njim
nestaje
A za uzvrat bližim od svega Bog
postaje*

*Svaku veličinu i svetost On unaprijed
nosi
Ugled kod Boga svakom od Njega
zavisi*

*Život bez Njega nije do sâma briga
A s Njim sreća, istina u otkrovenju
Boga*

*Zikrullah je utočište što brigu života
razbija
On je carstvo koje želje utažava i
duše osvaja*

*S Njim se želja ispunjava, s Njim se
u govoru uživa
Ružna djela, zle misli i varke
zikrullah uništava*

*U Njem se otvaraju srca, tajne
otkrivaju
U Njem se čudesni putevi do
Voljenog pružaju*

*U zikrullahu je Njegova zaštita i na
dahnuće
Veledušjem Behauddina, zikrullah
svoje mjesto naći ćeš*

Prijatelji! Zikrullah je svjetlo srca,
Bogu vodi
To je Božje ime, oslon, ljubav što
Istinu pohodi.

Čovječe! Zikrullah je od dušinih tajni
satkano oko
To je Božje ime, bez tuge veliko, bez
bola visoko.

Prijatelji! Slaviti Allaha, sastanak s
Voljenim
Uzvišeno ime pred kojim sve riječi
postaju ispraznim.

Čovječe! Zikrullah je misao kojoj
ništa nije ravno
On je Božje svojstvo i ispunjenje želja
trajno

Dervišu! Spominjanje Boga tajne
otkriva
Njegovo ime nagradu daje u kojoj
se sreća skriva.

Zikrullah je otvorena kula prema
muršidima
Božje ime je čisti obzor pred
Njegovim zaklonima.

*To je put srca, prihvati se tog tereta
derviševog
Učiš li to, postane navika i slika
zikrullaha umnoženog.*

*Spominjanje Boga nakšibendijo srcem
nastavi
Zikrullahom koji je ljubav Boga
proslavi*

*U Zikrullahu gledaj da Sadiju
dostigneš
Da spominjanjem Božjeg imena
Njegovu blizinu postigneš*

*Zikrullah čini sufiju i čišćenje duše
nudi
Njega ne izgovara onaj koji Božje ime
budi*

*Gledaj Ilhamija, ne čini sramotu,
Bogu stremi
Pridji šejhu - zikrullah, gledaj dokaz,
naredjenje primi.*

*Ugledni, velikodušni - od Dosta
šerbet piju
Postigoše veliku sreću, šejhovi Allaha
prizivaju*

*Oni ispisanu ploču sudbine gledaju
Dokaz je Tvoj Arš i Kurs, Allaha
prizivaju*

*Došavši do dženneta, Milostivog
posmatraju
I u ime spasa Allaha prizivaju*

*Umjesto uživanja, zadatak
ispunjavaju
Podnoseći tegobu, Allaha prizivaju*

*Ne u vremenu, nego u vječnosti
bivaju
Uistinu su evlije, Allaha prizivaju*

*Oni nisu od onih koji račune polažu
Njihov put je kabi kavsejn, Allaha
prizivaju*

*Iz Ilhamijinog srca čuješ najvećeg
evliju,
To su istine, nemoj sumnjati, Allaha
prizivaju*

Ašk i zanos dokaz su Bića,
zikrullahom putuju
Grieh i trajna neposlušnost njime se
razbijaju

Lijek za dert - plemenitost i blagost u
zikrullahu
Za onog ko je došao do otkrovenja u
Allahu

Dok si u zikrullahu Milostivi te voli
Gledajući u Kur'an plakaćeš, al' ne od
boli

Zbog Njega rajske ljepotice će te
tražiti
Otkrovenje, iman, uvjerenje ćeš
doživjeti

Duhu se tada tajne jasno otkrivaju
Planine i stijene kao prijatelji
povjeravaju

Tebi je ferman od šejhova koji uputu
traže
Zikrullahom Ilhamija velikodušje
postiže.

*Pogledaj djela Božja - zemlja, nebo,
četiri elementa
Pogledaj Allahovo zrno u džinima,
melekima i ljudima*

*Vidiš li Allahovo Biće u poslanicima i
evlijama
Osjetiš li snagu Kur'âna i hadisa u
Njegovim riječima*

*Iz svakog vremena govori neki znak
kao otkrovenje
Tu se pojavljuje Istina, moćno, kao
naglo buđenje*

*Iz duše duhu, iz duha Istini - Božja
dobrota
Oslušni među mojim robovima, vidi
džennetsku ljepotu*

*Pa tako sreću spoznaj, po Allahovu
adetu
Gledajući roba Ilhamiju, gledaj Božju
uputu.*

*Allahu! Moj Bože! Uzmi me
U vatri ljubavi, razori me!*

*U ružičnjaku pred Tobom jadan
U vatri ljubavi, Prijatelju, stradao*

*Za vatru ljubavi, stalno u plaču
Ispio sam vino kao u grču.*

*Na jutarnjem vjetru, u svitanju
bistrom
Bulbul u letu sa vatrenom iskrom*

*Tvoj sam kurban i Tvoja dva imama
Tvoj kabi kavsejn kojeg ljubav
slama*

*Došao sam s bolom koji je istinit
Kao žar što tinja pepelom zastrt.*

*Moje oči, moje lice, okrenuo
prema gore
Kao leptirica koja hrli svjetlu prije
zore*

*Tvoje Biće je čas lijek, čas uzdah
Kao vrijeme u životu kojeg evo izdah*

*Do Prijatelja imam put i srce puno
svjetla
Imam vatru ljubavi i dušu koja pjeva*

*Nesta zablude, ljepota se pokaza
U žaru ljubavi Savezništvo se ukaza*

*Nesta inata, misli ka prijatelju,
Rad vatre ljubavi, pomozi moj šejhu.*

*Srce proplakalo, Jedinstvo prozborilo
Sram moje ljubavi, sreću otvorilo.*

Ako kažeš da si derviš, budi ispravan
Uči i prati, svoju vjeru ispravlja!

Malo jedi i pij, u osvit zore ibadeti
I veliko i malo gledaj udobrovoljiti.

Stalno uči, tesavvuf izučavaj
Istini se primiči, Boga spoznavaj

Arapi, Perzijanci, Uzbeci, Kurdi -
Svi nadoše muršida, šejhovima
pokorni.

Božja stvorenja cijeni, ne ponižavaj
Dobrotu ođeni, putnikove želje
uslišavaj

Ne traži ugled jezikom, džemat čuvaj
Srce nogom, a Kur'an glavom smatraj

Svoje postojanje u nepostojanju
promijeni
Svoj život s Božjim postojanjem
zamijeni

U mislima Bogu, nek' ti srce cvjeta
Ilhamija u svemu traži Gospodara
svijeta.

*Šta će ti ovaj prolazni svijet? Razbudi
se!*

*Svi glasovi Boga spominju, uspavani
trzni se!*

*Ptice poje, Boga spominju, a ti pjevaš
uprazno
Dok se o Njemu zbori, ti druge gledaš
zanosno*

*On je samo vječan, ostalo prolazno
Stoga odvрати pogled od onog što je
trošno*

*Ko teži Bogu drugo lice mu ne treba
Sem čiste duše nikad mu ništa ne
zatreba.*

*Od Boga kao od vodiča on je
usmjeren
Stoga zašto da tuguje, stalno je
nasmijan.*

*Od pojave ljepote Ti
Svi su redom zaljubljeni*

*Od Svevišnjeg Bića Tvoga
Svi iskreno opijeni*

*I od loze „Bijah riznica“
Svi sultani napijeni*

*Al' Jedinstvo iz množine
Dobi svjetlo, dokaz posta*

*Djelo preko svojstva Zata
Poput duše živo osta*

*Od pojave mudrosti Mu
Praiskonsko znanje osta*

*Od Adema prvo lomno
Ogledalo čovjek posta*

*Biće Tvoje - čaše sreća
Ali žeđ se javlja veća*

*Ilhamija, čuj što zbori
Bol za Bogom - lijek se stvori*

*Neće biti prikraćen ko s Allahom
razgovara
Kako je lijepo, lijepo, on će da
izgovara*

*Ko Istinitog traži, strasti uništiće
Kako je lijepo, lijepo, Prijatelju
reći će*

*Spraće sramotu neznanja evlije
slijediće
Kako je lijepo, lijepo, u duši osjetiće*

*Svoje nestajanje i uzdahe Istini
okrenuće
Kako je lijepo, lijepo, dok ljubav
nastaje vidjeće*

*U svome stidu meleke i vasionu
pokoriće
Kako je lijepo, lijepo, u posmatranju
prozboriće*

*Ko more bez riba Ilhamija svijet
vidjeće
Kako je lijepo, lijepo - u pjesmu
utonućeš.*

Udahnuo sam dušu! Čudnu tajnu
snuješ,
Spoznati Istinu ne možeš, al'
objašnjenje čuješ

Opisao si Vječno lice golemo
kao svemir
Na Muhammedovu biću gledaj
Njegov mir

Znaš da će svemoć Boga trajati
dovijeka
A ti se možeš spojiti samo s dušom
čovjeka

Bog odredi ko će biti uzor životu
tvom
Stog padni pred noge, odaj poštu
šejhu svom

U njemu nađi Istinu koja se ljubi
Kao rob sultanu, ruku mu poljubi

Na zemlji i na nebu sve je rudnik
blaga
U njemu ćeš naći hranu što je duši
snaga

Dodi Ilhamija, izloži dušu Ljubljenom
Isto kao on tebi, ukaži milost
Plemenitom.

*Pogledaj Miljenika, bôl ašika primi
Oni danju-noću čine: „Ja Rabb“^{sad}*

*Bože, zikrom napoj one koji
A i one koji s mukom do ljubavi^{Tebi dođu}
Tvoje prođu*

*Neka stignu cilju oni što te traže
Tražeć' Tebe ne okreću oni nikad^{danomice}
drugom lice*

*Znaj da osim Tebe oni drugog ne
Sve napuštaju, žele samo Tebe da^{znaju}
upoznaju*

*Nek' dobro postignu oni koji traže
Šah ovih dostojanstvenika je junak^{Miljenika Tvoga}
vremena svoga*

*Volio bih kad bi ih milostivo sebi
I robu Ilhamiji, Bože, kome je bôl^{primio}
lijek postao.*

*Gospodaru, lijek mi podari
U ruci ljubavi dušu ozdravi*

*Sagorena jetra, srce mi zapanjeno
U ruci ljubavi - u Istini upaljeno*

*Svom robu Milostivi lijek pruži
U ruci ljubavi - ne griješi, dođi*

*Razoren sam, težim duhu Tvom
U ruci ljubavi - grudi su mi dom*

*Pao sam pred Veličinom, ljepoti
prijatelj
U ruci ljubavi - Savršenstvo
spoznađoh*

*Odletjeh kao leptirica, sagorjeh u
plamenu
U ruci ljubavi - sâm, sam u vremenu*

*Postah zahvalan, izađoh da doznam
U ruci ljubavi - Vladara da spoznam*

*Ilhamija jeca, jetra mu u ranama
U ruci ljubavi - čezne za Prijateljem.*

*O drugovi! Budni budite
Dobročinstvo Božje gledajte*

*Sami sebi ne udovoljavajte
Već spoznaju u nadi tražite*

*Nek' ti svaka stvar jasna bude
Najmanji prohtjevi neka se vide*

*Čovjek si časniji neg' iko
Ako su ti grijesi jako daleko*

*Pravdu dijeli i ne zaboravlja
Budi pametan i mudro se ponašaj*

*Nek' ti bude raj užitek duhovni
I nek' tebe stalno traži Milostivi*

*Onaj što nagrađuje i kažnjava
Prema radu kao lijeku nek' te usmjerava*

*Vjeruj, to je opće mišljenje
U samom traganju nije rješenje*

*Od svih koji tražeći lutaju
Znanje nalaze oni koji vjeruju*

*Ko je u ašku, Boga spoznaje
Na ovoj pouci neka ustraje*

*Cilj je ovog objašnjenja čovječe
Da s tobom i od tebe sve potječe*

*Znaj da je otkrovenje i spoznaja Istine
Što mu trista evlija zikr čine*

*Krkler, učler, jediler
Njihovi ljudi na sve četiri strane*

*Oni su stožeri svih ljudi
Oni su čuvari plemeniti*

*Šejhovi i prvaci među istima
Iz toga izlaze njihova imena*

*U svakom času prisustvuje
Sve dok časni Kur'an traje*

*Sa njima prostor traje
Sa njima vrijeme teče*

*Ljudi i stvari su njihove sjenke
Dok Bog drži džina i meleke*

*Za više sfere neki su zaduženi
Drugi za niže, ali svi združeni*

*Ilhamija srce ašika postaje
Ašicima jasno objašnjenje daje*

DJELA SE CIJENE PREMA NAMJERAMA
NAMJERA VJERNIKA JE BOLJA OD
NJEGOVA DJELA

*O pametni, poslušaj i prosudi!
Prema Bogu iskren uvijek budi!*

*S iskrenom namjerom mu se obraćaj
S njim nikada druge ne miješaj.*

*Božje naredbe uvijek izvršavaj
Poslanikovo upozorenje saslušaj*

*Veličanje Allaha nek' te uvijek vodi
Zaljubljenik u Boga tako radi.*

*Ako slave Boga u svim ljubavima
Otkriće se Allah skrušenima.*

*Allaha se stide kutbovi
A mušrike će On već kazniti*

*Sultani su dužni da ga hvale
A one bezazlene čekaju nagrade*

*Pred Allahom se kutb gubi i pada
A neznalica ga zaboravlja i strada*

*Allahu ašici ljubav upućuju
On pokreće brižne, a oni Ga štiju*

*Božja radost pripada iskrenim
A najveća je u susretu s Njim*

*Nosi ovaj savjet uvijek sa sobom
Da ne ostaneš u čežnji za Bogom*

*Ovakva djela Allah prihvaća
Nije li tako, On ih ne prima*

*Radost Božja je svako kretanje
Njegova blizina svako mirovanje*

*Ilhamiji je cilj da se Bogu obraća
Da svakog časa Allaha posmatra*

*Srce mi je kod Tebe, duša kod mene
Gdje je tvoje srce? - U užitku ljubavi.*

*Ne gledam u druge, pitam najmudrije
Gdje je sad Prijatelj? - U užitku
ljubavi.*

*Oko Ga ne vidi, neiskaziv je
Neshvatljiv, da kažem - U užitku
ljubavi*

*Moje srce traži Ga, veli hodi meni
Potraži me u sebi - U užitku ljubavi*

*S duhom sam se stopio, s nurom
pomiješao
Do Bića stigao - U užitku ljubavi*

*Strasti se otvorile, kušnje se
namnožile
Ali, lijek se popi - U užitku ljubavi*

*Ne da se izreći, neka ašik vjeruje
U moje otkrovenje - U užitku ljubavi*

*Duh Tvoj voljeni, kao dokaz srcu
On je tajna gledanja - U užitku ljubavi*

*Lijek je za bôl, doživljaj vrhunski
Zanos je za um - U užitku ljubavi*

*Oko Njeg' kutbovi, On sâm nema
mjest
On je vladar čovjeka - U užitku
ljubavi*

*Dobročinstvo šejhova, On je duša
ašika
Moć Mu iz sveg' izbija - U užitku
ljubavi*

*Ilhamija zbori: Hizr i Alija slušaju
Pejgambera voli - U užitku ljubavi*

*Dodoh na svijet, nađoh svoj duh
U moru se opih - U užitku ljubavi*

*Visok ugled dostigoh, do najviših
U Biću se utopih - U užitku ljubavi*

*Sve mahane napustih, biće svoje
Vrli dobitak nađoh - U užitku ljubavi*

*U tajne uronih, nurom se natopih
Narodu se vratih - U užitku ljubavi*

*Kur'an vidjeh, svete tajne saznadoh
U slavlju se preporodih - U užitku
ljubavi*

*Beznakovit postah, bez traga sâm ostah
Zavičaj svoj nađoh - U užitku ljubavi*

*Ovo je sad pravi čas, ovo je sad spas
Puno je sad razgovora - U užitku
ljubavi*

*Ovo naše druženje, dokaz je za ašika
Da je svakom bolu lijek, u užitku
ljubavi*

*Uzvišeni Kur'an, zatim Hizir i Osman
Spremni su sad vjeruj u užitku ljubavi*

U jutarnjoj je molitvi nadahnuću posla

*S takvom željom kreni - U užitku
ljubavi*

*Zapitan zastadoh, zašto ovdje dođoh
Tek kapljica postadoh u užitku
ljubavi*

*O pametni, ne čudi se ovom nasilju
Sad narodom ovim zlikovci vladaju*

*Gdje je pravednik, gdje je sad učenjak
Za dobre je ostao samo jedan trenutak*

*Ako je isto opravdanje zlu i nasilju
To je znak da postoji kraj ovom svijetu*

*Ne žalosti drugoga onim što nije ~~hitio~~
postati
Reci, ovaj svijet je ruševina koja će
nestati*

*Biti onaj koji upućuje i vjeru isijava
Biti onaj koji učen u zikru istrajava*

*Ne troši vrijeme da zlo zaštitiš
Nego da Božju dobrotu koristiš*

*Za ovim prljavim svijetom ne uzdiši
Ne budi nitkov, ovaj ružičnjak ne
miriši*

*Ne vjeruj strastima, čeka te gorčina
Ustrajnost u zikru - to je veličina*

*Sveznajući je, Svemoćan je, znaj!
Dah djela silnika ostaće samo vapaj.*

*Ne druži se sa zlima! Probudi se!
Ne bježi od Istine, Ilhamiji približi se!*

*Ako ti je okretni čarobnjak potreban
Znaj da je Njegov dio čistog svjetla
brižno sakrivan.*

*Poslaniče Božji, pomози svome
ummetu*

*Smiluj se sada ovom nemoćnom
bijedniku.*

*Evo, sada smo svi pred kijametom
Čovječe, ne gledaj ni lijevo ni desno*

*Ne daju ti da se mjeriš samim sobom
Kreni Bogu i reci: „Milostivi Tebi
utekosmo!“*

*Ubjedjuju te da od Boga bježiš
Spram blagodati Njegovih nezahvalni
smo*

*Eto, takvo je vrijeme u kom' sada
ležiš
Kreni Bogu i reci: „Milostivi Tebi
utekosmo!“*

*Kakvo je doba kad se svjetlo u tamu
pretvara
Kao ašici u sumnju bačeni smo*

*Kad se nauk učenih u ništa stvara
Kreni Bogu i reci: „Milostivi Tebi
utekosmo!“*

*Zaboravljajuć' Allaha, zla vjesnici
Kao djeca u strahu se stekosmo*

*A Bog reče: „To su grešnici“
Kreni Bogu i reci: „Milostivi Tebi
utekosmo!“*

*Od tebe samo tebi lijek stiže
U blizini Boga uvijek dobri smo*

*Muhammed Vjerovjesnik ovo kaže
Kreni Bogu i reci: „Tebi utekosmo!“*

*Ne može se pred svakim džennet da
Stvoriteljem i svojim djelima
otvori
odredjeni smo*

*Veličinu i ljepotu niko ne može da
Kreni Bogu i reci: „Milostivi Tebi
prtvori
utekosmo!“*

*Divljač, čovjek, džin i životinje
Stalno su u vlasti Vječnog putanje*

*Svi pejgamberi i evlije su sultani
Njih krase vrline, svi su velikani*

*Oni u Boga vjeruju, u njih gledasmo
Kreni Bogu i reci: „Milostivi Tebi
uklonismo!“*

*Poput starca iskusnoga nije zapanjena
Šta kažeš?! Od Allaha je svačija
upravljena.*

*Zapanjen Ilhamija je ostao
Kad je Božje djelo jasno vidio.*

*Dokaz su učenjaci što ih imadosmo
Kreni Bogu i reci: „Milostivi Tebi
utekosmo.“*

*Svi su tvoji poslovi ispravni
Allah, Allah derman Allah*

*Tuga i nevjerica su ti isprazni
Allah, Allah derman Allah*

*Lažno govore tvoji prijatelji
Allah, Allah derman Allah*

*Osim Boga svi su ti neprijatelji
Allah, Allah derman Allah*

*Potomci, rodbina, komšije tvoje
Allah, Allah derman Allah*

*Tvoja djeca, djeca djece tvoje
Allah, Allah derman Allah*

*Novac i imetak su tvoje satane
Allah, Allah derman Allah*

*I duša i tijelo su ti patvorene
Allah, Allah derman Allah*

*Pa i tvoja žena dušmanin ti je
Allah, Allah derman Allah*

*Sumnja čak svaka dušmanin ti je
Allah, Allah derman Allah*

*Učitelji te zavode, a ti im vjeruješ
Allah, Allah derman Allah*

*Kao braća su ti i šejh i derviš
Allah, Allah derman Allah*

*To su putnici što s tobom putuju
Allah, Allah derman Allah*

*Kao oca slušaj ovog Ilhamiju
Allah, Allah Džemal Allah*

*Šta god tražiš Pravedni ti daje
Gdje je izlaz? Nema spasa!*

*Dobro i zlo, sve od Allaha dobismo
Kreni Bogu i reci: Milostivi Tebi
utekosmo.*

*Ovo je riznica prvaka svih znanja
Ovo je skriveno blago - vladar učenja*

*Ovo je čudesno znanje - znanje izvora
Ovo je neobičnost, vođa svih vjera*

*Ovo je časna nauka - ona svijet
osvjetljava
Ovo je lijepa misao - Istini približava*

*Ova pravila su mjera svih znanja
Ovi dokazi su šansa izbavljenja*

*Ovi nalazi su luka za sve mjere
Ovi dokazi su spas za sve narode*

*Ovi zakoni su upute korisne
Ovo su mostovi za sve visine*

*Ovo su prozori ljudima - to su prelazi
Ovo su otkrovenja za svakog ko
Njemu prilazi*

*Pristalice vidljivog govore u dva
trajanja
Dokazuju dva svijeta, dva postojanja*

*Kažu: Jedan je grom, drugi je stablo
Jedan se potpun, drugi manjkav
pojavio*

*Jedan opstoji niotkog zavisn
Drugi su rekli: Od Njega je ovisan*

*Jedan je vidljiv, drugi je pokriven
Jedan je pojava, drugi je Stvoritelj*

*Ovi ljudi u neviđeno povjeroše
Kao da sami po sebi oni postadoše*

*Satana i strasti ne ostavljaju ih same
Čas na grijeh, čas na laž ih mâme*

*Sad traže oprost, sad u grijehu vide
Sad su oholi, a sad opet zavide*

*Čas vjeruju, a čas ne vjeruju opet
Čas znaju da treba slijediti tarikat*

*Drže da je jedan osnov sa tri ogranka
Pa traže lažnim otkrovenje Zata*

*Božje jedinstvo stalno slaviše
Vahdeti-vudžud pri tome nađoše*

*Satana i strasti s tri svijeta nastadoše
Ovi ljudi čvrsto vjerovanje u miru
nađoše*

*Znaju tajnu svijeta što nevidljiv biva
Što se prostim ljudima neprestano
skriva*

*Lice vječnog u svemu njima se
otkriva
Pred govorom derviša ništa se ne
skriva*

*Oku srca lice Prijatelja ukaza se jasno
Dok običnim ljudima osta tamno i
nejasno*

*U svim se dušama Istina ne poriče
Dok obični ljudi to stalno niječu*

*Ovdje zatucani, glupi, vječno
nepokorni
A tamo vjerovjesnici mirni i Bogu
pokorni*

*Ova grupa s vjerom Bogu je otišla
Grupa otišla sada tajni Bića je prišla*

*Vratiti se dunjaluku na ahiretu
Allah ljudima nije dozvolio*

*Nego je dobrotu ljudima dodijelio
I da ne uzimaju što im ne pripada
naredio*

*Oni što su u blizini Boga to ne poriču
Istinu, pravdu prave sufije dotiču*

*Niko ne može izmijeniti Božiju
naredbu
Ni evlija koji je shvatio Jedinstvo nije
to u stanju*

*Ne utiče na to djelovanje sufija
Jer sve dok tragaju ni oni ne nalaze
mira*

*Slabići koji sve poriču do vjere ne drže
Ko u srcu nema Allaha, ovo ne dostiže*

*Ko u drugo vjeruje ništa od ovog neće
dobiti
Ko je evlija, bog će ga vječno paziti*

*Ko griješi ne može ispravno govoriti
Vjernik koji ne shvata, evlija ne
može biti*

*Ne mogu se poreći ova osnovna pitanja
Ko Istinu niječe nema vjerovanja*

*Ovaj vidljivi svijet sav je prolazan
I um koji dočarava svijet isto je trošan*

*O tome je govor vjernika beskonačan
Samo nevidljivi svijet duša je vječan*

*Učeni ljudi sve pravce obuhvataju
Mudri i umni Vječnom se priklanjaju*

*Nevjernici su svi oni koji ovo
odbacuju
A umni koji Istinu od neistine
razdvajaju*

*Vjeru u nevidljivi svijet Allah je
naredio ljudima
I da se duhovni svijet teško opisuje
drugima*

*Allah je naredio da čovjek u sifate
vjeruje
I da sastanak i rastanak po naredbi
nastaje*

*Negirajući negaciju negacijom je
dokazivanje
O Allahovom jedinstvu to je Istine
priznanje*

*Hvala Bogu što možemo ići prema
višem
Onaj ko traži savršenstvo želi dervise*

*Ilhamija stalno otkrivajući govori
On se najprije kaje, onda opet griješi*

*Ovo je čas nastanka i pojavljivanja
Ovo je čas ubijanja i ostajanja*

*Ovo je čas stida i strahota
Ovo je čas muka i ljepota*

*Ovo je čas bola i radosti
Ovo je čas srdžbe i blagosti*

*Ovo je čas otkrića i osvjedočenja
Ovo je čas spoznaje i rasvjetljenja*

*Ovo je čas pobožnosti i odricanja
Ovo je čas jedinstva i stapanja*

*Ovo je čas duše i posmatranja
Ovo je čas zapanjenog shvatanja*

*Ovo je čas krivanja i javljanja
Ovo je čas bdijenja i smirivanja*

*Ovo je čas, pravi čas - vrijeme zahmeta
Ovo je čas sjedinjenja i uzleta*

*Ovo je čas kad se duh i duša spajaju
Ovo je čas kad se svjetlo i lampa
stapaju*

*Ovo je čas odsustva i prisustva
Ovo je čas muršida spletkara*

*Ovo je čas povratka i upute
Ovo je čas istine i klevete*

*Ovo je čas zemlje i čas čovjeka
Ovo je čas neba i čas meleka*

*Ovo je čas kad duša proplamsa
Ovo je čas kad se jasno promatra*

*Ovo je čas kad se za ljepotom čezne
Ovo je čas kad se u beskraju iščezne*

*Ovo je čas kad se za ljepotom čezne
Ovo je čas kad se u beskraju iščezne*

*Ovo je čas dovoljnosti Milostivog
Ovo je čas jasnog sunca blistavog*

*Ovo je čas kad su okeani kapija
Ovo je čas kad je Božja odredba
najuzvišenija*

*Ovo je čas kada znanje tačke biva
Ovo je čas kada mudrost sve pokriva*

*Čas kad nas namaz uzdiže zanosno
I u svakom času čas glasa se radosno*

KAD SE OSTVARI HAKIKAT
UKAŽE SE SPOZNAJA

*Ovo je čas - čas sultan dušama
Ovo je čas - svjetlost svim bolima*

*Ovo je čas - dokaz svakom znanju
Ovo je kraj svakoj tajni i neznanju*

*Ovo je čas u kom sva dobra bivaju
Ovo je čas kad se svi tokovi slivaju*

*Ovo je čas bivanja u znanju
Ovo je čas što prethodi uživanju*

*Ovo je čas učenja na mudrostima
Ovo je čas kad tajne šapću pjesnicima*

*Ovo je čas isticanja o savršenstvu
Ovo je bljesak svijesti u prapočetku*

*Ovo je čas kad istina govori
Ovo je čas kad se Allahu stremi*

*Ovo je čas kad se čudoređe pribira
Ovo je čas kad se pojavnost svijeta
potire*

*Ovo je čas kad se Kur'an sluša
Ovo je čas kad dobročinstvo blista*

*Ovo je čas potpunog izvršenja
Ovo je čas posljednjeg putovanja*

*Ovo je čas kad se dobro sa životom
stapa
Ovo je čas kad se Božja spoznaja
utapa*

*Ovo je čas ronioca istočnog
Ovo je čas vratara zapadnog*

*Ovo je čas kad vrtovi prozbore
Čas kada iračke bašče govore*

*Ovo je čas kad ruže cvjetaju
Ovo je čas kad slavuji pjevaju*

*Ovo je čas papiga buharskih
Ovo je čas sokola bosanskih*

*Čas je ovo i trgovca Misirlija
Čas je ovo Hasani Basrija.*

KADA SE SPOZNA,
JAVI SE SMIRENJE

*Oni i kad spavaju, to su ibadeta
Njihova je molitva Božja dobrota*

*Svaki nemar njihov ponešto kazuje
A svaki smiraj na nešto ukazuje*

*Svaki uzdah njihov susret je
sa Drugom
Susret s Prijateljem, rastanak je
s tugom*

*Svako uživanje je vrijeđanje Istine
A susret s Prijateljem je i rastajanje*

*Duhovne vrste je sladostrast njihova
A svaka radost božanska zabava*

*Šta god se tu miješa - đavolje je
A nađena mahana - paklenska je*

*Svako učenje za Boga vezano je
Svaki taj božanskog porijekla je*

*Svaki naš vird carski je
Svaki vaš govor dokaz je*

*Svaki mir je razmatranje
A svaki dah je uzdisanje*

*Susret s Bogom je uranjanje
Svako trošenje jeste bogaćenje*

*Svaka hrana nam je od Boga
Svaka srdžba je opet od Njega*

Od drugovanja s Velikim, glasni zikir
ostade
O ašici, o zakire, to nam u nasljeđe
ostade

S halkom Ashabi suffice red su
počinjali
Hazreti Ali i Omer su glasno zikir
obavljali

Hazreti Siddik u sebi, a Basrija glasno
je to činio
Po sigurnoj predaji Džunejd Bagdadi
je slijedio

Preko Džunejdove družine dalje
predaja ide
Sve do Hadžegana Behaudina
nakšibendije

Reci mi svoju namjeru da pamtim i
poštujem
O naš Sejjide! Da vama život
žrtvujem

Usprkos satani, otkloniti nemar, druge
poučiti
Odbaciti misli što progone, nemarne
probuditi!

*Nije dozvoljeno, al' jeste kad je u
 zanosu*

*Muzika tu služi za duhovno vzdizanje
Za strasti duhovne, a ne za vanjsko
vladanje*

*Odmah pitaj srce, ako ti je iskreno
Jesmo li za ovo dali temeljni dokaz
valjano*

*Jako griješiš ako ovo kažeš radi ibadeta
A ako čezneš za ljubavlju neće
biti šteta*

*Jer svi nisu imali pokornosti, čak
ni srama
Gledajuć' na pravdu žele srušiti ugled
islama*

*Oni što niječu tesavvuf, samo su
likom ljudi
U djelu je „Aleml Enver“ čaša za
kojom se žudi*

*Nadahnut sam „Gevheri Hakikatom“
što pobunu rješava sada
Sljedbenik Sadija i Nakši Behaijja,
slavuj Sejjid Ahmeda*

HVALOSPJEV VELIKIM MUDŽTEHIDIMA

*Mudžtehid u ajetu čita istine izrečene
Sve greške kod Istinitog biće mu
oproštene*

*Ljudi nisu sposobni da to shvate
Obični ljudi ne mogu to da dohvate*

*Ljudi odabiru ono što im u korist ide
Da putuju na kraju Uzvišenom to
ne vide*

*Ne valja Istinu odbaciti, neuke
slijediti
Na putu vjere treba pomoć prihvatiti*

*Neće biti odbačeni oni što put vjere
slijede
S druge strane, oni što griješe, ti i
ne vrijede*

*Sljedbenici izdajnika biće vječito
prokleti
Sufiju asketu u sitom naselju neće
razumjeti*

*Ilhamija gleda i s isprikom svakog
prihvaća
I time dokazuje da iskonski zapis
shvaća*

*Ako si Ti svjetlosvega
Zašto ovi derviši gore?*

*Nemarni, u srcu nađu Njega
Da ne osjetiš kletve, ponore.*

*Vjeruj Mevla Kadir će te probuditi
Ne ostavljaj druge u tom bezizlazu*

*Odricanje će te Bogu približiti
Siromaštvo će ti dati mir na ulazu*

*Za sve sem Boga oči zatvori
Pejgamberov potomče prije smrti
nestani*

*S Istinom u srcu Njemu govori
O Ilhamija i u snu stožer ostani*

*Svemu je Vladar šerijat
Ne zanemari hakikat*

*A stub svega je tarikat
I on ti je tu, nadohvat*

*Tebi rekoh: sve puteve znaj
Ismailija si i zato ne spavaj*

*Evlije i vjerovjesnike gledaj
U šerjatu nadjoše Istinu i smiraj*

*Kada bi ibahijama pripadali
Od našeg skupa bi odudarali*

*A ako budu pravični bili
Svugdje i svima bi koristili*

*I u jednoj riječi velikana
Sramotu veliku nalazi satana*

*Poput dženneta mjesta vajna
Za tebe će ostat' vječna tajna*

*Pristajuć' za njim on ne dolazi
Misleć valjda da se tako prolazi*

*Nije čudo, o ašici, pred Allahom
Uman je onaj sa zikrullahom*

*Neko od njih u sitom času
Ne čuje istinu u Njegovu glasu*

*Kur'ân kaže: O ljudski svijete
Ti si moj miljenik, traži savjete!*

*I samo onaj ko je u zikru
Može ponijeti Istine iskru*

*A kad čuje glupo pitanje
Prihvati ga i na tom ostane*

*Troše riječi, ništa ne primaju
Zalud prkose i na tom ostaju*

*Necu, Bože, u mraku da proživim
vijek
Iz tog mane slijede i to zauvijek*

*Postojan u tarikatu ko je
Zna šta se u srcu krije*

*Oni što misle da su sve shvatili
U stvari su neznanje pokazali*

*Onaj ko je tarikat izučio
Ako mu je ko šta prigovorio*

*Bilo o vjerovanju ili vjeri
Bilo o tarikatu ili nevjeri*

*Ide i u Knjizi odgovor traži
Znajući da su sve drugo laži*

*Ako u njoj nađe odgovora
Šuti i dalje ne razgovara*

*Ako odgovor ne nađe, onda veli:
„U mojoj Knjizi to nisu naveli“*

*Taj odgovor ne mogu uvažiti
Premda ga želim i dalje tražiti*

*U Knjizi je rješenje jedino
Ja zapisah, ti uvaži to*

*Zar ne znaš to znano mišljenje
Da i u hadisu ima rješenje*

*Ako neko dokaz hoće oboriti
Njegove riječi ne može osporiti*

*Mišljenje imami Jusufa je
najispravnije
Prihvati ga i ti kao najvrednije*

*Ko si ti da siješ sumnje klicu
Kad to nije ništa do zavjet u srcu*

*Zašto ovom svijetu povlađuješ
Odbaciće te stoga što mu robuješ*

*Šta je Istina od njih nećeš saznati
Ako je tako, ostaje ti vjerovati*

*Ko je taj što Istinu ne prima
Kako ćeš saznati ako te zanima*

*Od milosti zauvijek odvojen
Boga se boj to ti poručujem*

*Pak da ne budeš proklet vječno
Jer ćeš se kajati beskonačno*

*Neko želi da ga slavna vide
Neko stalno skromno ide*

*Neko više: „Ja sam neko!“
Neko tek veli: „Nisam niko!“*

*Neki ističu učenost
Neki povučenu šutljivost*

*Neki plaču, neki se raduju
Neki su strpljivi, neki žaluju*

*Neki trpe jad i siromaštvo
Neki uživaju dobro i bogatstvo*

*Neki poslu svu važnost pridaju
Neki se tog odriču i mir uživaju*

*Neki su oženjeni, neki bećari
Neki, opet, stalno traže čari*

*Neko ljepotu, neko ugled bira
A neko na svaku svirku igra.*

*Njemu pokornost je sve što radimo
To što mirujemo i što mu se vraćamo*

*Svi snovi su do Njega dopiranje
Sva rasutost sebi dolaženje*

*Svaka vrsta ima svoje suprotnosti
Svaka grupa ima svoje različitosti*

*Svaka posebnost u općenitosti ostaje
Svako beznačajan čovjekom postaje*

*Oni bez ugleda važnošću blistaju
Svi oni ništavni uglednim postaju*

*S mahanama je i sufija pobožni
Svaki njegov nazor postaje pakleni*

*Njegov vjerski pravac nejasan ostaje
Svako mjesto njegovo pakao postaje*

Utječem se Uzvišenom Allahu

*Od ovog stepena još je mnogo penjanja
Na jednom mjestu nema zastajanja*

*Ovo nije mjesto za one koji sumnjaju
A svi zanesenjaci ovdje sanjaju*

*Neko traži Istinu potajno
Neko želi Gospodara stalno*

*Neko neuk, neko učen
Neko posti, neko utučen*

*Neko Arap, neko stranac
Neko Uzbek, neko Perzijanac*

*Neko Turčin, neko Bošnjak
Neko građan, neko seljak*

*Neko nosi tek košulje otrcale
Na nekom atlas i samur ćurak*

*Neko je sav u lahuru i svili
Neko je gô, ali ne cvili*

*Neko je debeo, neko je slabašan
Neko od roda, a neko izmiješan*

*Neko stalno iščekuje samoću
A neko se provodi noću*

*Neko sa sultanima i vezirima
A neko s prostim, poniženim ljudima*

*Neko bi želio da ugledan bude
Neko, opet traži prave ljude*

*Božji prijatelji poslušajte
Svemu ovome počast ukažite*

*Nemaran čovjek od toga daleko je
Za evlije ne zna nit' ih priznaje*

*Neznalice ovo nisu shvatile
Jer su ih uvijek satane vodile*

*Ali Milostivi neće satanu pitati
Koga će voljeti i koga će štiti*

*Znaj da ne manjka ni savršenih
Da ima mnogo i onih čestitih*

*Čitaoče pokušaj da shvatiš
Da njihovu različitost prihvatiš*

*Nema razlika po spoljnim znacima
Po očima i po očnim kapcima*

*Oni se nalaze u svim skupinama
Oni se nalaze u svim klasama*

*Kroz svaki prolaz ovi prolaze
Sa svake strane ovi dolaze*

*Čak i pića različita piju
Drugačije se oblače i ponašaju*

*Drugačiji su po izgledu
Drugačiji su po hizmetu*

*Al' ciljevi su im isti uvijek
Pokornost Bogu sad i zauvijek*

*Ako su im mezhebi različiti
Ako su skloni krivim putem hoditi*

*Svi traže Kabe počast
Svi nalaze u Biću spas*

*Ajeti i sure su pobrojane
Iz svega odredbe izvedene*

*Iza svake odredbe veličanje dolazi
Iz svakog veličanja Jedan izlazi*

*Od Jednog Istina Jedinstva dolazi
Iz svake Istine Allah izlazi*

*Ilhamija stalno bolno jauče
I čekajuć' vrlog Prijatelja plače.*

Gospodar zemlje i neba
Od Njega svako dobro treba

Zastor što sva vrata otvara
Jezik je što svaki odgovor dâ

Ako kažeš - Da nađem Veličinu
Šutnjom češ je dovesti u blizinu

Muškarci i žene zajedno
Nasljede su jedno i podijeljeno

Slanu vodu nije kušat' lahko
Do uzdignuća neće doći svako

Ko do svoje duše ne dospije
Milost Božja mu se ne ukazuje

Derviš, čiji je stožer evlija
Istinu nalazi ko kad led probija

Onome ko u duši osjeti slast
Milostivi daje užitak i radost

Ako se poniznost dostiže
Svaka se radost lahko postiže

*Ne budi lijen! Dušu pokaži!
Kod Istinitog ugled potraži!*

*Uz ljepotu i plemenitost
Naći ćeš pamet i savršenost*

*Spominji samo Njega
Kao Plemenitoga i Velikoga*

*Četiri su mezheba i četiri stupa
U njima sva dobra idu skupa*

*Bogu se obraćaj i ne ridaj
Ne trudi se uzalud i ne kukaj!*

*Dubokim uzdahom Bogu se obraćaj
U hrku i ćulah nikad se ne uzdaj*

*La ilahe illalah
Ko ga se boji, njegov je Allah*

*I one što su zaljubljeni do ušiju
Pravi pobožnjaci nadmašuju*

*Ovo svjedoči svaki evlija
Iskreno je govorio: Ilhamija.*

Ah, na varku vremena, Istiniti me je
upozorio
Ah, od ljudske nepravde, Istiniti me je
štitio

Ah, od duševnih muka, Allahu mi je
lijek bio
Ah, od nasilja mudraca, Allah mi je
pomoć pružio

Ah, od grešnih poslova Istiniti me je
skrenuo
Ah, od vladavine zla, Allah me je
spasio

Ah, u ljubavi prema ljepoti, Istiniti me
je uputio
Ah, za užitak u dobroti, Allah mi je
dokaz postao

Ah, u ovom otkrovenju, Allah mi je
raj dočarao
Ah, u umu zapanjenom, Allah mi je
Prijatelj postao

Ah, u otkriću ovog govora, Allah mi
je pokajnike pokazao
Ah, ah, od ovog nadahnuća dušom
sam vrt postao

*I dobro i zlo, sve je od Boga, ne reci
velik si
To je ono što u vjeru spada, iz Istine
izlazi*

*Jedinstvo je od Adema, stidjeti se od
širka je
Miješanje neznanje je, nevjera
nezahvalnost je*

*Ovo se doznaje iz šerijata, oštra je
sablja u istini
To su dokazi iz šerijata, uz Istinu nisu
skriveni*

*Iskusan tarikatom postaješ, blagodati
su od Ahmeda
Koplje bacača je spoznaja, mudžiza je
od Muhammeda*

*Keramet je od evlija, postiže se Boga
slaveći
Ljubav iz vreline zanosa dolazi,
maštom prolazeći*

*Sva su zla od đavola, nemoj ih na
druge prebacivati
Sve što se govori iz Kur'ana je i u
hadisima, možeš čitati*

*Glupost je od nezrelih sufija, zablude
od nevjere
Zrelost je od Ilhamije, a radosna vijest
od dokaza je.*

*Ti si svjetlo zemlje i neba, okean i u
njemu sjaj
Ti si Ahmedova lampa, Uzvišena
svjetiljka i njezin odsjaj*

*Ti si sjajna zvijezda i miradž i maslina
sveta
Ti si Sinaj, Ti se ukaza, kad nestaje
brda svijeta*

*Ti si sultan istoka i zapada, veličina i
ljepota
Ti si svjetlo, odraz nura, svuda Te je
vidjeti divota*

*Ti si taj koji u molitvi pouku daješ i
upozoravaš
Ti si taj što nadzireš svijet i što ga
upozoravaš*

*Ti si svjetlo koje blista, od svjetlosti
same
Ti ne pržiš, Ti si svjetlost bez imalo
tame*

*Ti sebi približavaš i koga hoćeš
Allah, Allah Ti postojiš i promjene
upućuješ
daješ*

*Vladar si Svemira, moćno se nad
svijetom nadvio
Dželal-pašu, Tvoga roba, na pravdu si
naputio*

*Tog grešnog gaziju, na Bosnu si
odredio
Dželalova sablja Tvoj je dar, Ti si
pomoć pružio*

*Odbijaš i primaš, Ti si meleka i
šejtana stvorio
Ademovu djecu učinio odabranim i
dušu im udahnuo*

*Ti si slao pejgambere da vodiči budu
dobrima
Ti si mjera za šerijat, Ti si terazija
učenima*

*Ti zapovjed i zabranu dade, istini i
pravdi uputa si
Ti stvori i cara i siromaha, pomoć
obojici opet Ti si*

*Ti si ogledalo opet i običnog i
odličnog
Dade šerijat i traktat i spoznaju
nepoznatog*

*Ti si dao posmatranja i svjedočanstva
Milostivi dobar si i zaštitnik
čovječanstva*

*Oni koje niječu ne prihvataš, grešnike
kažnjavaš
Strog si prema nemarnim,
pokajnicima krilo pružaš*

*Ilhamija Tebe traži, tog dokaza bitnost
Ti si
Ti si čuvar ovog Bosanca, uz hanefiju
uvijek si .*

*Dodi Prijatelju ašika, zapamti i stalno
ga veličaj
O trpnji Poslanika, jednu po jednu
priču mi ispričaj*

*Šta je sve podnijela hazreti Aiša, naša
majka
Reći ću ti šta doživješe: potomci
Božjeg Miljenika*

*Šta je podnijela hazreti Hatidža od
svoje rodbine
Otkud kazna Božja kad nisi rob svoje
požude?*

*Sad razmisli šta je hazreti Adem trpio
od potomstva
A sam Bog zna šta hazreti Havva
podnije od šejtanstva*

*Šta su Musa i Isa trpili od opake
vojske jevrejske
Kao i Idris i Džurdžis, neko posta
šehit, neko pobježe*

*Šta da kažeš na Nuhov potop kroz 950
godina
Šta za to vrijeme Božjem Poslaniku
učini njegova rodbina?*

Šuajb, od svog naroda kakve sve
nevolje ne doživi
Pa Jakub, a tek Sulejman kakve sve
nevolje ne preživi

Bježeći od svojih sljedbenika, šta je
sve Junus podnio
Sulejman, pa Davud - car Božji - šta
je sve trpio?

Jahjau i Zekerijahu pilom su grlo
presijekli
Šta pretrpje smirenik Talut od
Džaluta, vidje li?

Nemrud i Azer svakog su dana svađu
rasplamsavali
Dok su Božji prijatelju svaku vatru
lahko smirivali

Vjerovjesnik Uzeir odmetnike je
upućivao
Sklonio se od njih i za sto godina opet
pojavio

Hizr i Ilijas uđe u svijet što se
nevidljiv odvija
Sada ridžali šute, može li se vidjeti
taj evlija?

Šta se dogodi sa njegovih drugova
dosta
Užički šejh pod objedom evlija posta
Gledaj Gaibiju i Kaimiju šta su u
Sarajevu napravili
S mnogim evlijama je tako na Božjem
putu nisu pali
Od njih si bio čist, pa ako to voliš
teško tebi
Allah je istina, a Istina ne nosi zlo u
sebi
Đavo i anđeo ne mogu biti jedno u
sebi
To nije moguće složiti, mora bit'
jasno i tebi
Naređeno nam je lijepo vladanje, i da
se volimo
Među Božjim stvorenjima da od
Njega ispriku tražimo
Voli stvorenja radi Stvoritelja ili radi
jedinstva duša
Znaj da se u svemu Bog odražava, sve
zna i sve sluša

*Odlični čista srca, do Istine stiže
Zaronjen u Njegovu ljepotu tajni si
mного bliže*

*Ko otvori biser, u Njegov zaklon
dospije
Ko upozna Gospodara kevser Istine
ispije*

*Ko se s uzdahom Bogu obraća,
riznicu Istine otvoriće
Ko služi Gospodaru, na mjesto
Istine stići će.*

*U dvorcu Bića u more Istine
zaronićeš
Držećio se za skute šejha, slavuj
Istine postaćeš*

*Ko nadje Alija i Ebu Bekra u džennet
ući će
Ko car dvaju svjetova, bajrak Istine
pobošće*

*Ko dopire do srca ašika, ambru Istine
sipaće
Sad Ilhamija Bogu zahvaljuje, šerbe
Istine popiće.*

*Pojmovi gore-dolje prekriše mi um
kao zastor sneni
Al' kad dođoh do shvatanja duša,
ukaza se Prijesto meni*

*Pejgamberi i evlija otkriše mi gdje se
Arš temelji
Božja sudba i nebesa javiše mu se na
zemlji*

*Vidljivo, nevidljivo i Riječ Kur'ana
mi osta
Uzvišeni i Njegovo Biće dovoljan
meni posta*

*Muhammed i Božje prisustvo u
mislama
Sa Hidrom se osjećam kao sa
prijateljima*

*Sa Kur'anom i vjerom, otkri se Kuća
meni
Tajne postaje jasne, a stid se u meni
skameni.*

*Strast poriče one što Uzvišenog
slijede
Evlije pokazuju da Istine nikada
ne blijede*

*Melek i šejtan jednog Prijatelja
ne žele
Tijelo i tvoja priroda, to je nesreća
vele*

*Oni nisu istrajali na putu Istine
U prirodi paklenskoj, stalo im je do
vanjštine*

*Mogućnost da vide nûr, nemarni
nemaju
A i kako bi kad zatvorena srca imaju*

*Sufija koji poriče, daleko je od Istine
I stoga on ne može ni u šta da
pronikne.*

*O svijetla tajno svijeta nevidljivog
O blistava zvijezdo Allaha Milostivog*

*O beskrajno Jedinstvo što stojiš
najviše
O Ti što stiže Allahu na dva koplja
više*

*O Ti koji čudoređe imaš najbolje
O Ti koji si Car vojske bezbrojne*

*O Ti okeanu spoznaje najdublje
O Ti simbolu Mudžize najbolje*

*O Ti na čelu ljudskog roda
O Ti dostojan blizine samog Boga*

*O Ti što pred svima odabran kročiš
O Ti što Božju pravdu tumačiš*

*O Ti evlijo od kamena dragog
O blistava čestico svijeta pojavnog*

*O Ti kojem se svaka tajna otvori
O Ti koji si ambra sveg što postoji*

O Ti čije je djelo od svih najhvaljenije

O Ti čije je ime od svih najslavljenije

O Ti što si oslonac hadisa i Kur'ana

O Ti što si stožer pravnog mišljenja

O Ti koji si duša svih kutbova

O Ti koji si nadahnuće svih duhova

Ti si vođa i slika svega stvarnog

Ti si uzda pravca tarikatskog

Ti si prema sirotima najmilostiviji

Ti si među zakirima najplemenitiji

Ti si dar siromašnima

Ti si velikan dervišima

Ti si u vjeri čvrst i postojan

Ti si Car zakona Istine dostojan

Ti si Ilhamijin lijek

Ti si dokaz dokaza uvijek

PJESME NA ARAPSKOM JEZIKU

Divan hadži sejjid Abdulvehhaba Ilhami-babe Bošnjaka

*Gospodaru! Za srcem vječno plačem
Ludo zaljubljen da umrem i čeznem*

O Spominjani, kajem se opet
molitvom zanesen
Zanesen Tobom hitam izgubljen i
pometen

*O Bliski, blizak si i sebi približi
Gospodaru moj, olakšaj život i ljubav
ukaži*

*Plemeniti Gospodaru, da žudim za
Tobom učini
Najmilostiviji, na molbu moju
Sebi me okreni*

*O Blagi, u velikoj sam čežnji i žalosti
O Dobri, obraduj me i spasi od bolesti*

*O Voljeni, koliko ja ljubav svoju
prikrivam*

*O Milostivi, poštujući Te zatim je
otkrivam*

*O Vidljivi, obraćam Ti se i molim
u tajnosti*

*O Skriveni, čeznem za Tobom u
svojoj iskrenosti*

*O Dobročinitelju, u žudnji Te grlim
O Postojeći, svim bićem Ti hrlim*

*Ti što sve skrivaš, učini mene
vidljivim*

*O Jedini, primakni me sebi da se
sjedinem*

*O Stvoritelju, za Ilhamiju se svoga
pobrini*

*O Poslaniče, kod Njega se za mene
zauzmi*

*Šta mi je pa stalno mislim o drugom
Nemoćan Ti evo dolazim sa tugom*

*Zahvalan za blagodati velike
Veliča Te rječju „Levlâke“*

*Tebi se obraća duša moja
Abdullah - Tvoj rob sam ja*

*Gospodaru, pred Tvojom kapijom
Te molim
Rob koji Te moli, Tvoj oprost traži*

*Tebi sam okrenut i Tvome svemiru
Tebi dolazim i težim Tvom miru*

*Ilhamija Tebe moli za oprost
Ja, rob, dobio sam Tvoju vijest*

*Tvoj sam zaboravljeni rob, budi mu
naklonjen
Oprosti onome koji se nada na ljubav
oslonjen*

*Srce moje Tebe želi, duša moja
Tebe moli
Skrivena misao moja Tebe gleda i
Tebe voli*

*Tijelo mi je iscrpljeno u muci teškoj
Tvoj rob je iznemog'o u ljubavi čistoj*

*Moje je srce Tvoj nûr, duša za
Tobom plače
Moj užitak, Tvoje biće u ljubavi zrače*

*Moj užitak govori, moje uho sluša
Otkrovenje Istine u ljubavi kuša*

*Moj duh to si Ti, moje lice to si Ti
Moje oči to si Ti, u mojoj ljubavi si*

تقاصرت الهمم عنه في هذا العصر ه حفظنا الله واناكم
من كدورات الدهر ه وان من ساعدته العناية
الازلية ه ووصلت اليه الفوضات الابدية ه
العالم العامل والفاضل الكامل الزكي الاديب ه والاب
والامني القريب الخالق بالاخلاق المرضية ه والمتصف
بالاوصاف المكرمة ه البالغ في قسا السن من الكمال
مبلغ الشيب والمنقل عن توافل الحفاني باور نصيب
السابق في مضمار الفضائل والقواضل ه والحائز من
قصبات السبق ما قصرت عنه افهام الاشباه والاهمال ه
حتى تبلغ الى مقام ياتي الطلبة اليه من كل فج عميق ه
ويحصدون عندهم من كل رفيق ودقيق ه

العالم العامل والفاضل الكامل عبد الوهاب بن عبد الرحمن
الترجيبي البستوي حارس الله مع باللفظ الجلي والخفى المعنى
فلقد حصل مني بعض العلوم العقلية ه وسعاد
ايضا بعض العلوم الشرعية ه حتى في ايام مجلسي قوما

RUKOPIŠNA GRAĐA I DRUGO

1) Ilhamijin *Divan* - rukopis br: 3025
Gazi Husrevbegova biblioteka u Sarajevu;

2) Ilhamijin *Divan* - rukopis br 3056-
Gazi Husrevbegova biblioteka u Sarajevu;

3) *Medžmua Sirri i Ilhami* - rukopis
Priv. br: 51-Gazi Husrevbegova bibliote-
ka u Sarajevu;

4) *Medžmua*-rukopis br: 5939/3 - Gazi
Husrevbegova biblioteka u Sarajevu;

5) *Medžmua*-rukopis br: 1010 - Ori-
jentalna zbirka JAZU Zagreb;

6) *Ilmihal Abdul-Vehhaba Ilhamije* na
našem jeziku-fotokopija u Orijentalnoj
zbirci N°: 2099 JAZU Zagreb;

7) Drugi primjerak *Ilhamijina ilmiha-
la* na našem jeziku - rukopis br: 2929 -
Gazi Husrevbegova biblioteka u Saraje-
vu;

8) *Deset medžmua* (džončica) vlas-
ništvo Fočaka h. Abdullaha iz Sarajeva;

9) *Medžmua* (džončić) vlasništvo Varatanović h. Halida iz Sarajeva;

10) *Medžmua* (džončić) vlasništvo Sikirić h. Hilmije iz Sarajeva;

11) *Medžmua* (džončić) autograf Strika h. Mustafe, vlasništvo Strika Sejda iz Sarajeva;

12) *Tuhfetu-l-musallin ve zubdetu-l-hašiin* - rukopis br: 4509, Gazi Husrevbegova biblioteka u Sarajevu.

L I T E R A T U R A

- 1) Bašagić, dr Safvet-beg: *Kratka uputa u prošlost BiH-1900* str. 132;
- *Znameniti hrvati Bošnjaci i Hercegovci u Turskoj Carevini*-
Zagreb 1931. g. str: 34 (GZM
196, 226, 266;
- 2) Buljina, Halid: „Tekije u fojničkom kraju“ *Glasnik VIS-a*, br: 6,
1983, str: 838-855;
- 3) Dobrača, h. Kasim: - „Tuhfetu-l-musallin ve zubdetu-l-hašiin’ od Abdul-Vehhaba Žepčevije Ilhamije“, *ANALI Gazi Husrevbegove biblioteke* u Sarajevu, knj. II i III, 1974 g., str: 41-69;
- 4) Hadžijahić, dr Muhamed: „Hrvatska muslimanska književnost prije 1878. godine“ *Jadranski dnevnik*, III/1938 g., *NAPREDAK* (kalendar) XXVIII/1938, str: 93-104, P. O. Sarajevo 1938. g. strana 14;

„O jednoj pjesmi šejh Sejjid Vehhab Ilhamije“ *Novi behar* Sarajevo, II/1934-35, 16, str: 278-279;

- Bosanskohercegovačka književna hrestomatija - *Starija književnost*, 1974. g. str: 221-312;

- 5) Handžić, h. Mehmed: - *Književni rad bosanskih muslimana*, Sarajevo 1934 g.;

„Ilhamija Žepčak-muslimanski pjesnik iz Bosne“, *Hrvatski dnevnik*, Zagreb V/1940, 1343, od 21.1.1940 g. str: 14-15;

- 6) Isaković, Alija: - *BISERJE* - Izbor iz muslimanske književnosti, Zagreb - Stvarnost, 1972 g.;

- 7) Kadić, Muhamed Enveri: *Kronika*, sv. XIX, str: 319-328;

- 8) Kadić, Rešad: *Pobožne pjesme bosansko-hercegovačkih muslimana*, I. izdanje, 1980 g, str: 35-39;

- 9) Kapetanović, Mehmedbeg: *Istočno blago*, knjiga II.

- 10) Kemura, Sejfuđdin-Ćorović. *Serbokroatische Dichtungen bosnis-*

- cher Moslims aus dem XVII, XVIII. und XIX, Jahrhundert.*
Sarajevo 1912. g., str. XVIII,
Einleitung, str: 38-45;
- Kemura, Ibrahim: „Ilmihal Abdul-Veh-
haba Ilhamije na bosanskom je-
ziku“ *Glasnik VIS-a* g. br: 1 i 2
- 12) Kreševljaković, Hamdija: „Visoko“ -
Novi behar, god. VIII;
„Žepče“ - „Napredak“ *Hrvatski*
narodni kalendar za 1937, go-
dinu;
- 13) Memija, Minka: „Ilhamija - Pjesnik
buntovnik“ - *Radio - Sarajevo*
Treći program, br: 38, 1982. g.
XI, str. 432-437;
- 14) Muftić, dr Teufik: „Arebica i njen
pravopis“ - *Prilozi za orijental-
nu filologiju, XIV i XV/5*, Saraje-
vo 1969. g. str: 101-121;
„Arapsko pismo kod nas“ - *Ra-
dio-Sarajevo - Treći program*,
br: 24, 1979. g. str: 558-559;
- 15) Mujezinović, Mehmed - „Bašeskija“
- *Epigrafika*
- 16) Nametak, dr Abdurahman: „Bosa-
nska alhamijado književnost u


- tokovima Jugoslavenskih knji-
ževnosti“ - *Radio-Sarajevo -*
Treći program, br: 24, 1979. g.,
str: 477-501
- *Hrestomatija bosanske alhami-
jado književnosti*, 1981. g.;
- 17) Sejdović, Mehmed: -Hulusija „Boš-
njakuša“ - *Nada* od 15.VIII.
1895. g., str: 311;
- 18) Sikirić, dr Šakir; „Tekija na Oglav-
ku“ - *Kalendar Gajret* za 1941.
godinu, str: 42-51;
„Pobožne pjesme šejh Abdur-
rahman Sirrije, *Glasnik IVZ*,
„Šejh Arif Sidki Kurt-Zelenko“,
Glasnik IVZ, 1942. g. br: 4
- 19) Sokolović, Osman Asaf: „Karahodža
h. Ahmed ef. (Abdul-Vehhab)“
Gajret, god. XV-1934 g.;
- 20) Šabanović, dr Hazim: *Književnost
muslimana BiH na orijentalnim
jezicima*;
- 21) Trako, Salih: „Vakufnama džamije u
Gračanici kod Visokog me-
džmua-autograf kadije Ebu Bek-
ra Visočaka, pohranjena u Ori-
jentalnom Institutu u Sarajevu

br: 105“ -*Revija Islamska misao*,
god. IV, juli 1982. g, br: 43,
str: 37-46;

„Kronogrami sarajevskog muftije
Muhamed Šakir ef. Muidovića“
-*Anali Gazi Husrevbegove bibli-
oteke* u Sarajevu, knj. I, 1972.
g., str: 49-65;

„Medžmua pjesnika Šakira“ -*Ana-
li Gazi Husrevbegove biblioteke*
u Sarajevu, 1974. g., knj. II i III,
str: 109-123 (Čuva se u Ori-
jentalnom institutu u Sarajevu
br. 4689);

- 22) Ždralović, Muhamed: „Abdul-
Vehhab ibn Abdul-Vehhab Žep-
čevi-Bosnevi (Ilhamija)“ *Anali
Gazi Husrevbegove biblioteke* u
Sarajevu, knj. V i VI, 1978.
str. 127-143.



RJEČNIK

A

Ābid - pobožnjak

agjār - stranci, tuđinci, neznanci; suparnici u ljubavi

ākil - pametan, razuman

alemde - u svijetu

ālemi ervāh - svijet duša, duhovni svijet

Alija - Alî ibn Ebî Tâlib, halifa Četvrti, tj. četvrti nasljednik Muhammeda, a.s.

amber - v. ambra

ambra - veoma mirišljava smolasta materija, koja se vadi iz žlijezda jedne vrste kita

ārifûn - dobari poznavaoči, gnostici

Arš - prijestolje Božje

āšik - zaljubljenik; u tesavvufskoj poeziji zaljubljenik u Boga

Āzer - otac vjerovjesnika Ibrahima (Abrahama). Porijeklo mu se dovodi do vjerovjesnika Nuha (Noja). Bio je idolopoklonik i uz to majstor za izradu kipova.

Iako ga je sin Ibrahim pozivao u monoteističku vjeru nije prihvatio. Poznat je i pod imenom Tareh.

B

Bākī - vječan

benden - od mane

berat - carski dekret, ukaz, povelja

bešer - ljudstvo, čovječanstvo

bulbul - slavuj

bustan - bašča

Ć

Ćehaja - zastupnik vezira, paše, defterdara ili nekog drugog velikodostojnika

D

Dāim - uvijek

Davud (David) - vjerovjesnik i ujedno vladar Izraelićana, rođen u Betlehemu 1086. ili 1071. prije Isaa, a.s. Budući da je pogubio silnika Džaluta, bila mu je namijenjena kći vladara Taluta za

ženu, ali vladar koji nije mogao da to prihvati pokušao ga je pogubiti, te je Davud bio prisiljen da bježi. Nakon ubistva vladara Taluta 1056. ili 1040. prije Milada, došao je na prijesto Izraelićana.

debdeba - sjaj, pompa

Dejjan - jedno od 99 Božjih imena (onaj koji pravedno nagrađuje i kažnjava)

derman - lijek

ders - lekcija

dert - briga, bol

derviš - pripadnik jednog od dvanaest mističkih redova u islamu

devr - novac koji iza umrlog ide iz ruke u ruku izvjesno vrijeme, a zatim se podijeli sirotinji za dušu umrlog

dizar - viđenje Boga

dost - prijatelj (u ovoj poeziji odnosi se na Boga)

dova - molitva Bogu, blagoslov

dunjaluk - ovaj svijet

DŽ

Džahil - neznalica

Džalut - silni junak iz vremena vjerovjesnika Davuda (Davida), a.s. Živio u Palestini i ratovao protiv Izraelićana. Sam je tražio ko će mu izići na mejdan. Talût (Šaul), vladar Izraelićana, u jednoj prilici je obećao da će dati svoju kćer onome ko mu izidje na mejdan, ali se niko nije javio. Davud, a.s., koji je tada bio u osamnaestoj godini, udario ga je plužnim kamenom i tako ga usmrtio.

Džāmiu-sagîr - zbirka hadisa (Muhammed, a.s., izreka) koju je napisao Dželaluddin Abdurrahman b. Ebu Bekr es-Suyûtî

džan - duša

džefâ - mučenje, uznemiravanje

Džemal - jedno od 99 Božjih imena

džennet - raj

dževap - odgovor

džifr - proricanje pomoću cifara ili slova

džin - nevidljivo duhovno biće

džinan - vidi džennet

Džurdžis - ubraja se u vjerovjesnike iako ga Kur'an ne spominje. Rođen je u trećem stoljeću n. e. u palestinskom gradu Ramalli. Po jednoj verziji sin je jednog od vladara drevne Kapadokije u Anadoliji (područje današnjeg Sivasa i Kajsarija). Slijedio je Isaovo učenje, pa je stoga poginuo 303. g. n. e. u vrijeme cara Dioklecijana. Kod kršćana je poznat pod imenom Sv. Đorđe. Englezi ga smatraju zaštitnikom svoje domovine. Nekada se Džurdžis i Hidir Iljas dovode u vezu i miješaju, pa se pogibija Hazreti Džurdžisa i kod kršćana slavi kao praznik Đurđevdan (Sv. Đorđe),

džurm - grijeh

Đ

Đoja - tobože

E

Ebu Bekr - prvi halifa, tj. prvo nasljednik Muhammeda, a.s.

evlad - djeca
evlija - „dobri“
evlijaluk - svojstvo dobrih
ešraf - plemići, aristokrate

F

Fakir - siromah
fānī - prolazan
fasl - dio, poglavlje
felek - univerzitet
ferš - zastor

G

Gaib - Onaj koji je nestao, izgubio se - u smislu postao nevidljiv
gāfil - nemaran
gevheri hakikat - sušina, bit stvarnosti
Golijat - v. Džurdžis
gönül - srce
gunah - grijeh
guzât pl. od **gâzi** - borac za vjeru
güzel - lijep

H

Hadis - Usmena tradicija od Muhammeda, a.s. Hadis je uz Kur'ân glavni vjerski i pravni izvor islama

Hadžegân Behauddin - Hwâdže Muhammed Behauddin Nakšibend - veliki bogougodnik (veli), osnivač tarikata nakšibendija. Rođen 1318. u selu Kasri Arifan u okolini Buhare. Tesaavvufsko učenje je stekao kod Hwadže Abdulhalik Gudždevanija. Nakon što je proputovao mnoge zemlje, susretao se i družio s mnogim učenim osobama vratio se i posljednje dane proveo u Buhari. Umro je 1389. i pokopan u rodnom selu.

hajāt - život

Hakikat - Istina (u ovoj poeziji odnosi se na Boga)

hâl - stanje

Halik - Stvoritelj

hanefija - pripadnik šeriatsko-pravne škole Imami Azama Ebu Hanife, osnivača hanefijskog mezheba (Kufa 699 - Bagdad 769)

Hasani Basrija - Veliki učenjak i sufija iz prve generacije poslije smrti vjerovjesnika Muhammeda, a.s. Prenosilac je mnogih Poslanikovih hadisa. Rođen 21. g. h. a umro 110. (641-728)

haslet - svojstvo

hâšiûn - oni koji se boje

hatta - grijeh, pogreška

hazreti Adem (Adem) - prvi čovjek, praotac

hazreti Aiša - druga žena poslanika Muhammeda, kći prvog halife Poslanikova nasljednika Ebu Bekra. Prenosilac je mnogih Poslanikovih hadisa.

Hazreti Havva - prva žena; pramajka.

hesab - račun

hič - ništa

hidajet - uputa od Boga

himmet - trud, nastojanje; milost, pomoć

Hizr (Hidir) - prema predanju savremenika vjerovjesnika Musaa i Iskendera Zulkarnejna (Aleksandra Velikog), a kojim je putovao u tamni vilajet, ispio vodu života i

stoga i sada živi. U nekim knjigama Izraelićana, ne spominje se vjerovjesnik pod ovim imenom, pa se pretpostavlja identičan sa vjerovjesnikom Ilijasom.

hrka - haljetak naložen pamukom i prešiven

hukum - presuda, odluka

hurija - rajska djeвица

I

Ibahijja - Jedna nastrana sekta sufija, koja smatra da je ispunjavanje Božjih naredaba i čuvanje od zabrana iznad ljudske moći i da nije dozvoljeno da čovjek išta posjeduje. Oba zabludjela sekta nije mogla steći mnogo pristalica, pa je poput drugih sličnih nestala.

ibraz - pokazivanje, objavljivanje, izdavanje, publiciranje

Idris - jedan od najstarijih vjerovjesnika koje spominje Kur'ân. Potomak je Šita, sina Ademova.

ihsan - dobročinstvo

illa illač - u značenju La ilahe illalah - u značenju nema Boga osim Allaha

Ilijas - v. Hizr

ilm - znanje, nauka

imam - predvosnik u molitivi, učenjak posebno u vjerskim i pravnim pitanjima

iršâd - uputa

Isâ - sin Mejremin, rođen u Palestini u kasabi Bejtullahm (Betlehem). Po islamskom vjerovanju Isa je jedan od dvadeset pet Božjih poslanika, koje Kur'ân izrije-
kom spominje.

isjân - pobuna; grijeh

istigfâr - traženje oprosta od Boga

J

Jahjâ - Yahyâ b. Zekeriiyyâ - jedan od posljednjih vjerovjesnika pred pojavu islama.

Jakûb - vjerovjesnik, sin vjerovjesnika Ibrahima. Drugo mu je ime Israil.

Ja Rabb - o Stvoritelju

Jâsin - Kur'ân - sura XXXVII

jetim - siroče

jordam - oholost

Junus - (Jonas) - vjerovjesnik, koji se
često u Kur'ânu spominje

K

Kabahat - Greška, nedostatak

kabi kavsejn - sasvim blizu, nadomak

kabur - grob

kardeš - brat

kavsi esfel - najniži svod (nebeski)

kavsi ala - viši svod nebeski

kelâm - riječ, govor

keramet - natprirodno svojstvo (dosl. plemenitost)

kerem - plemenitost

kerim - plemenit

kesif - gust; malo pametan i malo
osjećajan

kijafet - odjeća (vanjski izgled)

kijamet - sudnji dan

Kitabu-l-Unsê (Lamii) - pisma, koja je
napisao Lami'i, osmanski pjesnik iz Silista s kraja petnaestog i

prve polovice šesnaestog stol-
jeća (umro 1531.) Autor je mno-
gih književnih djela (osamnaest
pjesničkih i jedanaest proznih

hodža - poštovan čovjek

kudurluk - potištenost, zabrinutost

kufr - nevjerstvo

kuffâr p. od **kafîr** - nevjernik

kullarisati - v. **kurtarisati**

kurban - žrtva

kurtarisati - spasiti, izbaviti

kutb - vođa, obično duhovni, posebno
derviške zajednice za koga se
vjeruje da je jedinstven (jedini)
u svom vremenu

L

La ilahe illallah - Nema drugog Boga
osim Allaha

laik - dostojan

lâzim - potreban

levlâke - aluzija na nesiguran hadis:
„Levlâke levlâke le mâ halaqtul
eflâk“ - Da Tebe nije ne bih
stvorio vasionu.

lutf - dobrota

M

Mabûd - Obožavani (Bog)

māl - bogatstvo, imetak

maraz - bolest

mazhar - mjesto; predstavka

melek - anđeo

melekût - duhovni, nevidljivi svijet

merkeb - jahača životinja

mertebe - stupanj

mestûr - pokriven

mevdžud - onaj koji postoji

Mevla Kadir - Dobročinitelj; Moćnik
(odnosi se na Boga)

Mevlan(a) - Gospodar

mezheb - pravna škola (sistem u
šeriatskom pravu)

miradž - uzdignuće u nebo; miradž Mu-
hammed, a.s., dogodio se 27.
noći mjeseca ša'bana

mudžiza - natprirodna pojava, koja se
pripisuje Božjim poslanicima

mulk - nepokretno dobro, posjed

mu'min - vjernik

munafik - smutljivac, licemjer

munsirun (muntisirun) - pobjedonosni

murekkeb - složen

murtat - izdajnik

Musa (Mojsije) - vjerovjesnik Izraelićana, rodio se u Menefu, u Egiptu 1700.g. prije Isaa (Isusa). Naredjeno mu je da faraona poziva pravoj vjeri. Kur'ân o Musau govori na više mjesta

muškila - tegoba

mušrik - neznabožac; višebožac

mutiūn - pokorani poslušani odani

N

Nakšibendija - Pripadnik derviškog reda koji je osnovao Muhammed Behauddin Nakšibendi (umro 1388)

nebî - Božji poslanik

nefs(enfus) - strast

Nemrud - osnivač i vladar Babilona. Bio je idolopoklonik. Nije se odazvao na poziv vjerovjesnika Ibrahima (Abrahama) da prihvati vjeru u jednog Boga. Naprotiv, bacio je Ibrahima u vatru, ali Ibrahim, Božjom odredbom nije

izgorio, pa i pored toga Nemrud nije prihvatio istinsku vjeru. Kasnije je uništen nezapamćenom navalom komaraca. Pretpostavlja se da je Nemrud živio 2640. g. prije Isaa (Isusa)

nijaz - ponizan Bogu

nimet - Božja blagodat, Božji dar; fig. hrana

Nûh (Noje) - jedna od dvadeset pet nama poznatih vjerovjesnika. U pedesetoj godini dobio je objavu da narod poziva u pravu vjeru. Kako se narod nije odazivao, dobio je naređenje da sagradi lađu i da se ukrca sa ono malo svojih pristalica. Tada se dogodio onaj poznati potop svijeta.

nûr - duhovno svjetlo

O

Osman - Treći halifa, tj. treći nasljednik Muhammeda, a.s.

P

Peder - Otac

perda - zavjesa
pišman - koji se kaje

R

Rahat safâ - Pravi mir

Rahmân - Milostiv - jedno od 99 Božjih imena

ragbet - težnja za nečim, želja

ridžal - dostojanstvenik, velikaš, odličnik

Risala (Bergivijeva) - vjeronaučni udžbenik koji je napisao Muhammed b. Pir Alî Bergivi u šesnaestom stoljeću, pa je ovaj udžbenik poznat pod nazivom Bergivija. Kod nas je bio popularan i mnogo korišten.

S

Salim - Smiren

saltanet - carstvo

sejjid - gospodin, uglednik; onaj koji vodi porijeklo od loze Muhammeda, a.s., po muškoj liniji

selamet - spas

senden - od tebe

sijaset - politika

sirr - tajna

Subhân - Onaj koji je čist od svih ljudskih osobina jedno od 99 Božjih imena

sufara - početnica za učenje arapskih slova u mektebu

sufi - pripadnik jednog od dvanaest mističnih redova u islamu

sufli - nizak; prost, bijedan, bezvrijedan, podao, ovosvjetski

Sulejman (Salomon Mudri) - vjerovjesnik i vladar Izraelićana, kao i otac mu Davud. Treći po redu izraelićanski vladar. Sjedište njegovog moćnog carstva je u utvrđenom Kudsu

Š

Šah - Car

šejh - pročelnik, starješina tekije

šejtan - đavo

širk - mnogoboštvo, politeizam

Šuajb - vjerovjesnik, potomak vjerovjesnika Saliha, a.s., Poslan je da u pravu vjeru poziva narod Asha-

bu-l-eyke Medjen (stano-vnike krajeva Ejke i Medjen, na obalama Crvenog mora, na sjeverozapadu Arabije, između Palestine i Hidžaza), po kojima su i ti krajevi dobili naziv.

T

Taht - Prijestolje

takat - snaga, moć

takdir - što je određeno (sudbina)

talib - učenik (onaj koji traži znanje)

Talut (Šaul) - vladar Izraelićana, koji je bio na mukama zbog silnika Džaluta, koji je u ratu sa Izraelićanima sam tražio ko će mu ići na mejdan. Talut je čak i svoju kćer obećavao onome ko će mu se suprotstaviti i pobijediti ga

tarikat - derviški red

terazija - vaga

tevhid - vjerovanje u Božje jedinstvo

tugjân - uživanje; pretjerani raskoš

turbe - mauzolej

U

Ukabuliti - Primiti

ulema - učenjaci

ulvi - gornji; nebeski; koji pripada višem svijetu

Uzeir - ugledna ličnost iz naroda Izraelićana, čija je vjerovjesnička misija sporna. Nakon što je starorimski vladar Nabukadnezar osvojio i oplijenio Jerusalem, Uzeir je pao u ropstvo u Babilon, ali je nastavio propovjedničku misiju.

V

Velajet - v. evlija

vuslet - sjedinjenje s Bogom

vudžud - tijelo

Z

Zahir - Vidljiv

zakir - koji Boga spominje

Zat - Biće (odnosi se na Boga)

Zekeriyya (Zaharija) - vjerovjesnik Izraelićana, otac vjerovjesnika Jahja, a.s. Bio je živ i kada se

pojavio Isa, a.s. Obojicu spominje Kur'ân sa dužnim poštovanjem, kao i ostalih dvadeset pet vjerovjesnika

zićir - v. zikr


zija - svjetlo

zikir - invokacija Božjeg imena; zajedničko derviško učenje u slavu Boga

zikrullah - spominjanje Boga

SADRŽAJ

Uz ovo izdanje	5
Abdulvehhab ibn Abdulvehhab Ilhami	11
Ilhamijini radovi	27
Poezija na narodnom jeziku	45
Poezija na turskom jeziku	81
Poezija na arapskom jeziku	157
Rukopisna građa i drugo	161
Literatura	163
Rječnik	169



Izdavač
Mešihat Islamske zajednice Bosne i Hercegovine
Izdavačka djelatnost *El-Kalem*
Sarajevo, JNA 81/II

Za izdavača
Muhamed Mrahorović

Tehnički urednik
Selim Jarkoč


Dizajn korica
Eridan Fetahagić

Tiraž
2000 primjeraka

Štampa
DP „Štamparija“ Gračanica

Za štampariju
Hajrudin Ćudić

ISBN 86-7765-008-3





ILHAMIJA

Muhammed Hadžijamaković